

বীরাজনা কাব্য।

শ্রী.মাইকেল মধুসূদন দত্ত
প্রণীত।



তৃতীয়বার মুদ্রিত।

কলিকাতা।

শ্রীকেশ্বরচন্দ্র বসু কোং বহুবাজারস্থ ১৭২ সংখ্যক
ভবনে ক্যান্‌হোপ্‌ যন্ত্রে যন্ত্রিত।

সন ১২৭৫ সাল।

যঙ্গলাচরণ ।



বঙ্গকুলচূড়া

শ্রীযুক্ত ঈশ্বরচন্দ্র বিদ্যাসাগর মহোদয়ের

চিরস্মরণীয় নাম

এই অভিনব কাব্যশিরে শিরোমণিরূপে

স্থাপিত করিয়া,

কাব্যকার

ইহা

উক্ত মহাগুণভবের নিকট

ধর্মোচিত সম্মানে সম্বিত

উৎসর্গ করিল ।

ইতি ।

সন ১২৬৮ সাল । ১৬ই ফাল্গুন ।



বীরঙ্গনা কাব্য ।

প্রথম সর্গ ।

দুয়ন্তের প্রতি শকুন্তলা ।

[শকুন্তলা বিশ্বামিত্রের ঔরসে ও মেনকানায়ী অপরাধ গর্ভে জন্মগ্রহণ করিয়া, জনক জননী কর্তৃক শৈশবাবস্থায় পরিত্যক্ত হওয়াতে, কণ্ঠস্থি তাঁহাকে প্রতিপালন করেন । একদা মূনিবরের অত্মপুস্তিকিতে রাজা দুয়ন্ত বনগয়া প্রসঙ্গে তাঁহার আশ্রমে প্রবেশ করিলে, শকুন্তলা রাজ-অতিথির স্বাভাবিক অতিবিশেষকার সম্পন্ন করিয়াছিলেন । রাজা দুয়ন্ত, শকুন্তলার অসাধারণ রূপলাবণ্যে বিমোহিত হইয়া, এবং তিনি যে ক্ষত্রকুলোদ্ভবা, এই কথা শুনিয়া, তাঁহার প্রতি প্রেমাঙ্গু হন । পরে রাজা তাঁহাকে গুপ্তভাবে গান্ধর্ব বিধানে পরিণয় করিয়া স্বদেশে প্রত্যাপন করেন । রাজা দুয়ন্ত, পরাজ্যে গমনানন্তর, শকুন্তলার কোন তত্ত্বাবধান না করিতে, শকুন্তলা রাজ নমীপে এই নিম্নলিখিত পত্রিকাপানি প্রেরণ করিয়াছিলেন ।]

বন-নিবাসিনী দাসী নক্কৈরাজপদে,

রাজেন্দ্র ! যদিও তুমি ভুলিয়াছ তারে,

ভুলিতে তোমারে কত পারে কি অভাগী ?

হাস, আশায়দে যত আমি পাগলিনী !

হেরি যদি ধূলারানি, হে নাথ, আকাশে ;

পবন-স্বনন যদি শুনি দূর বর্নে ;
 অমনি চমকি ভাবি,—মদকল করী,
 নিবিধ রতন অঙ্গে, পশিছে আশ্রমে,
 পদাভিক, বাজীরাজী, সুরধ, সারথি,
 কিঙ্কর, কিঙ্করী সহ ! আশার ছলনে, ১০
 প্রিয়স্বদা, অনসূয়া, ডাকি সখীদ্বয়ে ;
 কহি—‘ হ্যাদে দেখ, নই, এত দিনে আজি
 স্মরিলো লো গোণেশ্বর এ তাঁর দাসীরে !
 ওই দেখ, ধূলারাশি উঠিছে গগনে !
 ওই শোন্ কোলাহল ! পুরবাসী যত ১৫
 আসিছে লইতে বোরে নাথের আদেশে !’
 নীরবে পরিয়া গলা কাঁদে প্রিয়স্বদা ;
 কাঁদে অনুসূয়া সহি বিলাপি বিবাদে !

ক্রতগতি ধাই আমি সে নিকুঞ্জ-বনে,
 মথায় হে মহীনাথ, পূজিছু প্রথমে ২০
 পদযুগ ; চারি দিকে চাহি ব্যগ্রভাবে ।
 দেখি প্রফুল্লিত ফুল, মুকুলিত লতা ;
 শুনি কোকিলের গীত, অলির গুঞ্জর,
 স্রোতোনাদ ; মরমরে পাতাকুল নাচি ;
 কুহরে কপোত, সুখে রক্ষশাখে বসি, ২৫
 প্রেমালাপে কপোতীর মুখে মুখ দিয়া ।
 সুধি গঞ্জি ফুলপুঞ্জে ;—‘ রে নিকুঞ্জশোভা,
 কি সাথে হাসিস্ তোরা : কেন সমীরণে
 বিভরিস্ আজি হেথা পরিমল-সুধা ?’

কহি পিকে,—‘ কেন তুমি, পিককুল-পতি, ৩০
এ স্বরলহরী আজি বরিষ এ বনে ?

কে করে আনন্দধ্বনি নিরানন্দ কালে ?

মদনের দাস মধু ; মধুর অধীনে

তুমি ; সে মদন মোহে যার রূপ গুণে,

কি সুখে গাও হে তুমি তাঁহার বিরহে ?’ ৩৫

অলির গুঞ্জর শুনি ভাবি—মৃদু স্বরে

কাঁদিছেন বনদেবী দুঃখিনীর দুঃখে !

শুনি স্রোতোনাদ ভাবি—গম্ভীর নিনাদে

নিন্দিছেন বনদেব তোমায়, নৃমণি,—

কাঁপি ভয়ে—পাছে তিনি শাপ দেন রোষে । ৪০

কহি পত্রে,—‘ শোন্. পত্র ;—সরস দেখিলে

তোরে, সমীরণ আসি নাচে তোরে লয়ে

প্রেমামোদে ; কিন্তু যবে শুখাইস্ কালে

তুই, ষ্ণা করি তোরে তাড়ায় সে দূরে ;—

তেমতি দাসীরে কি রে ত্যজিলা নৃপতি ?’ ৪৫

যুদি পোড়া অঁধি বসি রসালের তলে ;

অস্তিমদে মাতি ভাবি পাইব সত্বরে

পাদপদ্ম ! কাঁপে হিয়া ত্রুতুতু করি

শুনি যদি পদশব্দ ! উল্লাসে উর্দ্বালি

নয়ন, বিষাদে কাঁদি হেরি কুরঙ্গীরে ! ৫০

গালি দিয়া দূর তারে করি করাঘাতে !

ডাকি উচ্চে অলিরাজে ; কহি,—‘ ফুলসখে

শিলীমুখ, আমি তুমি আক্রম গুঞ্জরি

এ পোড়া অধর পুনঃ ! রক্ষিতে দাসীরে
সহসা দিবেন দেখা পুক-কুল-নিধি !' ৫৫

কিন্তু রুখা ডাকি, কাস্ত । কি লোভে ধাইবে
আর মধুলোভী অলি এ মুখ নিরখি,—
শুখাইলে ফুল, কবে কে আদরে তারে ?

কাঁদিয়া প্রবেশি, প্রভু, সে লতামণ্ডপে,
যথায়—ভাবিয়া দেখ, পড়ে যদি মনে, ৬০

নরেন্দ্র ; যথায় বসি, প্রেমকুতূহলে,
লিখিল কমলদলে গীতিকা অভাগী ;—

যথায় সহসা তুমি প্রবেশি, জুড়ালে
বিষম বিরহজ্বালা ! পদ্যপর্ণ নিয়া
কত যে কি লিখি নিত্য কব তা কেমনে ? ৬৫

কতু প্রভঞ্নে কহি রুতাজলি-পুটে ;—

‘উড়ায় লেখন মোর, বায়ুকুলরাজা,

ফেল রাজ-পদ-তলে যথা রাজ্যালে

বিরাজেন রাজ্যাসনে রাজকুলমণি !’

সম্বোধি কুরঙ্গ কতু কহি শূন্যমনে ;— ৭০

‘মনোরথ গতি তোরে দিয়াছেন বিধি,

কুরঙ্গ ! লেখন লয়ে, যা চলি সত্বরে

যথায় জীবিতনাথ ! হায়, মরি আমি

বিরহে ! শৈশবে তোরে পালিছু যতনে ;

বাঁচা রে এ পোড়া প্রাণ আজি রূপা করি !’ ৭৫

আর যে কি কই করে, কি কাজ কহিয়া,
নরেন্দ্র ? ভাবি দেখ, পড়ে যদি মনে,

অনসূয়া প্রিয়স্বদা সখীদ্বয় বিনা,
 নাহি জন জানে, হায়, এ বিজন বনে
 অভাগীর দুঃখ-কথা ! এ দুজন যদি ৮০
 আসে কাছে, মুছি আঁখি অমনি ; কেননা
 বিবশা দেখিলে মোরে রোষে ঋষিবালা,
 নিন্দে তোমা, হে নরেন্দ্র, মন্দ কথা কয়ে !—
 বজ্রমম অপবাদ বাজে পোড়া বুকে !
 ফাটি অন্তরিত রাগে—বাক্য নাহি ফোটে ! ৮৫

আর আর স্থল যত,—কাঁদিয়া কাঁদিয়া
 জমি সে সকল স্থলে ! যে তরুর মূলে
 গান্ধর্ববিবাহস্থলে ছলিলে দাসীরে,
 যে নিকুঞ্জে ফুলশয্যা সাজাইয়া সাধে
 সেবিল চরণ দাসী কানন-বাসরে,— ৯০
 কি ভাব উদয়ে মনে, দেখ মনে ভাবি,
 ধীমান্, যখন পশি সে নিকুঞ্জ-ধামে !—
 হে বিধাতঃ, এই কি রে ছিল তোর মনে ?
 এই কি রে ফলে ফল প্রেমতরু-শাখে ?

এই রূপে জর্ম নিত্য আমি অনাথিনী,
 প্রাণনাথ ! ভাগ্যে বৃদ্ধা গৌতমী তাপসী ৯৫
 পিতৃহসা,—মনঃ তাঁর রত তপজপে ;
 তা না হলে, সর্বনাশ অবশ্য হইত
 এত দিনে ! নাহি সাধ বাঁধিতে কবরী
 ফুলরত্নে আর, দেব ! মলিন বাকলে ১০০
 আবারি মলিন দেহ ; নাহি আছে কচি ;

না জানি কি কহি কারে, হায়, শূন্যমনে !
 বিষাদে নিশ্বাস ছাড়ি, পড়ি ভূমিতলে,
 হারাই সতত জ্ঞান ; চেতন পাইয়া
 মিলি যবে আঁখি, দেখি তোমায় সম্মুখে ! ১০৫
 অমনি পসারি বাহু ধাই ধরিবারে
 পদযুগ ; না পাইয়া কাঁদি হাহারবে !
 কে কবে, কি পাপে সহি হেন বিড়ম্বনা !
 কি পাপে পীড়েন বিধি, সুধিব তা কারে ?
 দয়া করি কভু যদি বিরামদায়িনী ১১০
 নিদ্রা, সুকোমল কোলে, দেন স্থান মোরে,
 কত যে স্বপনে দেখি, কব তা কেমনে ?
 স্বর্ণ-রত্ন-সংঘটিত দেখি অট্টালিকা ;
 দ্বিরদ-রদ-নির্ধিত দুয়ারে দুয়ারী
 দ্বিরদ ; সুবর্ণাসন দেখি স্থানে স্থানে ; ১১৫
 ফুলশয্যা ; বিদ্যাধরী-গঞ্জিনী কিকরী ;
 কেহ গায়, কেহ নাচে ; যোগায় আনিয়া
 বিবিধ ভূষণ কেহ ; কেহ উপাদেয়
 রাজভোগ ! দেখি মুক্তা মণি রাশি রাশি,
 অলকা-সদনে যেন ! শুনি বীণা-ধ্বনি ; ১২০
 গন্ধায়োদে মাতে মনঃ, নন্দন কাননে—
 (শুনেছি এ কথা, নাথ, তাত কণ্ঠযুখে)
 নন্দন কাননাস্বরে বসন্তে যেমনি !
 তোমায়, নৃমণি, দেখি স্বর্ণ সিংহাসনে !
 শিরোপরি রাজছত্র ; রাজদণ্ড হাতে, ১২৫

যণ্ডিত অমূল-রত্নে ; সমাগরা ধরা,

রাজকর করে, নত রাজীব-চরণে !

কত যে জাগিয়া কাঁদি কব তা কাহারে ?

জ্ঞানে দাসী, হে নরেন্দ্র, দেবেন্দ্র-সদৃশ

ঐশ্বর্য্য, মহিমা তব ; অভুল জগতে ১৩০

কুল মান ধনে তুমি, রাজকুলপতি !

কিস্তু নাহি লোভে দাসী বিভব ! সেবিবে

দাসীভাবে পা দুখানি—এই লোভ মনে,—

এই চির-আশা, নাথ, এ পোড়া হৃদয়ে !

বন-নিবাসিনী আমি, বাকল-বসনা, ১৩৫

ফলমূলাহারী নিত্য, নিত্য কুশাসনে

শয়ন ; কি কাজ, প্রভু, রাজমুখ-ভোগে ?

আকাশে করেন কেলি লয়ে কলাধরে

রোহিণী ; কুমুদী তাঁরে পূজে মর্ত্যতলে !

কিঙ্করী করিয়া মোরে রাখ রাজপদে ! ১৪০

চির-অভাগিনী আমি ! জনক জননী

ত্যজিলা শৈশবে মোরে, না জানি, কি পাপে ?

পরাম্বে বাঁচিল প্রাণ—পরের পালনে !

এ নব যৌবনে এবে ত্যজিলা কি তুমি,

প্রাণপতি ? কোন্ দোষে, কহ, কাস্ত, শুনি, ১৪৫

দাসী শকুন্তলা দোষী ও চরণ-যুগে ?

এ মনে যে মুখ-পাখী ছিল বাসা বাঁধি,

কেন ব্যাধবেশে আসি বধিলে তাহারে,

নরাধিপ ? অনিয়াছি রথীশ্রেষ্ঠ তুমি,

বিখ্যাত ভারতক্ষেত্রে ভীম বাহুবলে ; ১৫০
 কি যশঃ লভিলা, কহ, যশস্বি, বিনাশি—
 অবলা কুলের বালা আমি—সুখ মম !

আসিবেন তাত কণু কিরি যবে বনে ;
 কি কব তাঁহারে, নাথ, কহ, তা দাসীরে ?
 নিন্দে অননুয়া যবে মন্দ কথা কয়ে, ১৫৫

অপবাদে প্রিয়স্বদা তোমায়,—কি বলো
 বুঝাবে এ দৌহে দাসী, কহ তা দাসীরে ?
 কহ, কি বলিয়া, দেহ, হায়, বুঝাইব
 এ পোড়া পরাণ আমি—এ মিনতি পদে !

বনচর চর, নাথ ! না জানি কি রূপে ১৬০
 প্রবেশিবে রাজপুরে, রাজ-সভাতলে ?
 কিন্তু মঞ্জুমান জন. শনিয়াছি. ধরে
 তুণে, আর কিছু যদি না পায় সম্মুখে !
 জীবনের আশা, হায়, কে ভাজে সহজে !

ইতি শ্রীবীরসেনাকাব্যে শকুন্তলাপত্রিকা নাম
 প্রথম সর্গ ।

ଦ୍ଵିତୀୟ ସର୍ଗ ।

(ସୋମେର ପ୍ରତି ତାରା ।)

[ସଂକଳେ ସୋମଦେବ—ଅର୍ଥାତ୍ ଚନ୍ଦ୍ର—ବିଦ୍ୟାଧାରଣ ବ୍ୟବସ୍ଥାକ୍ରମେ ଦେବଶକ୍ତ ରଚନାକ୍ରମେ ବାସ କରନ୍ତେ, ଓଡ଼ିଶାଦ୍ଵାରୀ ତାରାଦେବୀ ତୀକ୍ଷଣର ଅସାଧାରଣ ମୌଳିକତା ମନୁଷ୍ୟମାନଙ୍କ ବିନୋଦିତା ହୁଏ । ତୀକ୍ଷଣର ପ୍ରତି ପ୍ରେମାସକ୍ତା ଚନ୍ଦ୍ର । ସୋମଦେବ, ପାଠ ସମାପନାନ୍ତେ ଶୁକ୍ରଦକ୍ଷିଣା ଦିଆ ବିଦ୍ୟା ହୁଏବାର ବାସନା ପ୍ରକାଶ କରିଲେ, ତାରାଦେବୀ ଆପଣ ମନେର ତାର ଆଉ କିଛି ସ୍ଵଭାବେ ରାଧିତେ ପାଟିଲେନ ନା ; ଓ ନତୀସ୍ଵର୍ଣ୍ଣେ ଜଳାଶୟିନୀ ଦିଅ । ସୋମଦେବକେ ଏହି ମିଥ୍ୟାଲିଖିତ ପତ୍ର-ଧାନି ଲିଖେନ । ସୋମଦେବ ସେ ଏତାଦୂନୀ ପତ୍ରିକାପାଠେ କି କରନ୍ତି ହିଲେନ, ଏହଲେ ତାହାର ପରିଚୟ ଦିବାର କେନ ପ୍ରୟୋଜନ ନାହିଁ । ପୁରାଣର ବ୍ୟକ୍ତିମାନଙ୍କୁ ତାହା ଅବଗତ ଆହେନ ।]

କି ବଲିଆ ସଂସାଧିବେ, ହେ ଅଧ୍ୟାତ୍ମନିଧି,
ତୋମାରେ ଅଭାଗୀ ତାରା ? ଓଡ଼ିଶାଦ୍ଵାରୀ ଆସି
ତୋମାର, ପୁରୁଷରତ୍ନ ; କିନ୍ତୁ ଭାଗ୍ୟଦୋଷେ,
ଇଚ୍ଛା କରେ ନାହିଁ ହେ ସେବି ପା ହୁଅନି !—

କି ଲଜ୍ଜା ! କେମନେ ତୁହି, ରେ ପୋଡ଼ା ଲେଖନି, ଏ
ଲିଖିଲି ଏ ପାପ କଥା,—ହାୟ ରେ, କେମନେ ?
କିନ୍ତୁ ଚିନ୍ତା ଗଞ୍ଜି ତୋରେ ! ହସ୍ତନାହିଁ ମନା
ତୁହି ; ମନୋନାହିଁ ହସ୍ତ ; ସେ ମନ : ପୁଡ଼ିଲେ
କେନ ନା ପୁଡ଼ିବି ତୁହି ? ବଞ୍ଚାଗି ସଦାପି
ଦହେ ଉଦ୍ଘାତନ, ଯେ ପଦାନ୍ତର ଲଜା !

୧୦

ହେ ଶ୍ରୀକୃଷ୍ଣ, କୁକର୍ଣ୍ଣେ ରତ ହୃଦୟେ ଯେଷାମି

নিবায় প্রদীপ, আজি চাহে নিবাইতে
তোমায় পাপিণী তারা ! মেহ ভিলা, ভুলি
কে সে মনঃ-চোর মোর, হায়, কেবা আমি !—

ভুলি ভূতপূর্ব কথা,—ভুলি ভবিষ্যতে ! ১৫

এস তবে, প্রাণসখে ; দিনু জলাঞ্জলি
কুলমানে তব জনো,—ধর্ম, লজ্জা, ভয়ে !
কুলের পিঞ্জর ভাঙি, কুল-বিহঙ্গিনী
উড়িল পবন-পথে, ধর আসি তারে,
তারানাথ !—তারানাথ ? কে তোমায়ে দিল ২০

এ নাম, হে গুণনিধি, কহ তা তারারে !
এ পোড়া মনের কথা জানিল কি ছলে
নামদাতা ? ভেবেছিঁনু, নিশাকালে যথা
মুদিত-কমল-দলে থাকে গুপ্তভাবে
সৌরভ, এ প্রেম, বঁধু, আছিল হৃদয়ে ২৫

অস্তরিত ; কিন্তু—ধিক, বৃথা চিন্তা, তোরে !
কে পারে লুকাতে কবে জ্বলন্ত পাবকে ?
এস তবে, প্রাণসখে ! তারানাথ তুমি ;
জুড়াও তারার জ্বালা ! নিজ রাজ্য ত্যজি,
ভ্রমে কি বিদেশে রাজা, রাজকাজ ভুলি ? ৩০

সদর্পে কন্দর্প নামে মীনধ্বজ রথী,
পঞ্চ ধর শর তুণে, পুষ্পধনুঃ হাতে,
আক্রমিছে পরাক্রমি অসহায় পুরী ;—
কে তারে রক্ষিবে, সখে, তুমি না রক্ষিলে ?

যে দিন,—কুদিন তারা বলিবে কেমনে ৩৫

সে দিনে, হে গুণমণি, যে দিন হেরিল
ঈশি তার চন্দ্রমুখ,—অতুল জগতে !—

যে দিন প্রথমে তুমি এ শাস্ত্র আশ্রমে
প্রবেশিলা, নিশাকান্ত, সহসা ফুটিল
নবকুমুদিনীসম এ পরাণ মম

৪০

উল্লাসে,—ভাসিল যেন আনন্দ-সলিলে !

এ পোড়া বদন মুহূঃ হেরিনু দর্পণে ;
বিনাইনু যত্নে বেণী ; তুলি ফুলরাজী,
(বন-রত্ন) রত্নরূপে পরিণু কুম্বলে !

চির পরিধান মম বাকল ; ধরিনু

৪১

তাহার ! চাহিনু, কাঁদি বন-দেবী-পদে,

দ্রুফল, কাঁচলি, সিঁতি, কঙ্কণ, কিকিণী,

কুণ্ডল, মুকুতাহার, কাকী কটিদেশে !

কেলিনু চন্দন দূরে, স্মরি যুগমদে !

হায় রে, অবোধ আমি ! নারিনু বুঝিতে

৫০

সহসা এ সাধ কেন জনমিল মনে ?

কিহু বুঝি এবে, বিধু ! পাইলে মধুরে,

সোহাগে বিবিধ সাজে সাজে বনরাজী !—

তারার যৌবন-বন-ঋতুরাজ তুমি !

বিদ্যালাভ-হেতু যবে বসিতে, স্মৃতি,

৫৫

গুরুপদে ; গৃহকর্ম তুলি পাণীয়সী

আমি, অস্তুরালে বসি শুনিতাম সুখে

ও মধুর স্বর, সখে, চির-মধু-মাধা !

কি ছার নিগম, ভক্ত, পুরাণের কথা ?

কি ছার মুরজ, বীণা, মুরলী, তুষকী ? ৬০
বর্ষ বাক্যসুধা তুমি ! নাচিবে পুলকে
ভারা, মেঘনাদে মাতি ময়ূরী যেমতি !

গুরুর আদেশে যবে গাভীরুদ্ধ লয়ে,
দূর বনে, সুরমণি, জমিতে একাকী
বহু দিন ; অহরহঃ, বিরহ-দহনে, ৬৫
কত যে কাঁদিত ভারা, কব তা কাহারে—
অবিরল অশ্রুজল মুছি লজ্জাতয়ে !

গুরুপত্নী বলি যবে প্রণমিতে পদে,
সুধানিধি, মুদি আঁধি, ভাবিতাম মনে,
মানিনী যুবতী আমি, তুমি প্রাণপতি, ৭০
মান-ভঙ্গ-আশে নত দাসীর চরণে !
আশীর্বাদ-ছলে মনে নমিতাম আমি !

গুরুর প্রসাদ-অঙ্গে সনা হিলা রত,
তারাকান্ত ; ভোজনান্তে আঁচমন-হেতু
যোগাইতে জল যবে গুরুর আদেশে ৭৫
বহির্দ্বারে, কত যে কি রাখিতাম পাতে
চূরি করি আনি আমি, পড়ে কি হে মনে ?
হরীতকী-শূলে, সখে, পাইতে কি কভু
ভাসূল শয়নধামে : কুশাসন-তলে,
হে বিধু, সুরভি ফুল কভু কি দেখিতে ? ৮০
হায় রে, কাঁদিত প্রাণ হেরি তৃণাসনে ;
কোমল কমল-নিন্দা ও বরাক্ষ তব,
ওঁই, ইন্দু, কুলশয্যা পাতিত দুঃখিনী !

কত যে উচ্চিত নাথ, পাণ্ডিত্যম যবে
শয়ন, এ পোড়া মনে, পার কি বুঝিতে ? ৮৫

পূজাহেতু ফুলজ্বাল তুলিবারে যবে
প্রবেশিতে ফুলবনে, পাইতে চৌদিকে
তোলা ফুল । হাসি তুমি কহিতে, স্মৃতি,
“ দয়াময়ী বনদেবী ফুল অবচয়ি,
রেখেছেন নিবারিতে পরিশ্রম মম ! ” ৯০

কিন্তু সত্য কথা এবে কহি, গুণনিধি ; —
নিশীথে তাজ্জিরা শয্যা পশিত কাননে
এ কিস্করী ; ফুলরাশি তুলি চারি দিকে
রাখিত তোমার জন্যে ! নীর-বিন্দু যত
দেখিতে কুমুদলে, হে সুধাংশু-নিধি, ৯৫

অভাগীর অশ্রুবিন্দু—কহিনু তোমারে !
কত যে কহিত তারা—হায়, পাগলিনী !—
প্রতিফুলে, কেমনে তা আনিব এ মুখে ?
কহিত সে চম্পকেরে,—“ বর্ণ তোমর হেরি,
রে ফুল, সাদরে তোরে তুলিবেন যবে ১০০

ও কর-কমলে, সখা, কহিস তাঁহারে,—
‘ এ বর বরণ মম কালি অভিমানে
হেরি বে বর বরণ, হে রোহিণীপতি,
কালি সে বর বরণ তোমার বিহনে ! ”
কহিত সে কদম্বেরে,—না পারি কহিতে ১০৫

কি যে সে কহিত তারে, হে সোম, শরমে !—
রসের সাগর তুমি, ভাবি দেখ মনে !

শুনি লোকমুখে, সখে, চক্রলোকে তুমি
 ধর যুগশিশু কোলে, কত যুগশিশু
 ধরেছি যে কোলে আমি কাঁদিয়া বিরলে, ১১০
 কি আর কহিব তার ? শুনিলে হাসিবে,
 হে সুহাসি ! নাহি জ্ঞান ; না জানি কি লিখি !

কাটিত এ পোড়া প্রাণ হেরি তারাদলে !
 ডাকিতাম মেঘদলে চির আবরিতে
 রোহিনীর স্বৰ্ণকাস্তি । কাস্তি মদে মাতি, ১১৫
 সপত্নী বলিয়া তারে গঞ্জিতাম রোষে !
 প্রফুল্ল কুমুদে হৃদে হেরি নিশামোগে
 তুলি ছিঁড়িতাম রাগে :—আঁধার কুটীরে
 পশিতাম বেগে হেরি সরসীর পাশে
 ভোমায় ! ভূতলে পড়ি, তিত্তি অশ্রুজলে, ১২০
 কহিতাম অভিমানে,—‘ রে দারুণ বিধি
 নাহি কি র্যোবন মোর,—রূপের মাধুরী ?
 তবে কেন,—’ কিন্তু বৃথা স্মরি পূৰ্বকথা !
 নিবেদিব, দেবশ্রেষ্ঠ, দিন দেহ হবে !

তুষেছ গুণের মনঃ সুদক্ষিণা-দানে ; ১২৫
 গুণপত্নী চাছে ভিক্ষা,—দেহ ভিক্ষা তারে !
 দেহ ভিক্ষা—ছায়ারূপে থাকি তব সাথে
 দিবা নিশি ! দিবা নিশি সেবি দাসীভাবে
 ও পদযুগল, নাথ,—হা দিক্, কি পাপে,
 হায় রে, কি পাপে, বিধি, এ তাপ লিখিলি ১৩০
 এ ভালে ? জনম মম মহা ঋষিকুলে,

তবু চণ্ডালিনী আমি ? কলিল কি এবে
 পরিমলাকর ফুলে, ছায়, হলাহল ?
 কোকিলের নীড়ে কি রে রাখিলি গোপনে
 কাকশিশু : কর্মনাশা—পাপ-প্রবাহিনী !— ১৩৫
 কেমনে পড়িল বহি জাহুবীর জলে ?

কম, সখে !—পোষা পাখী, পিঞ্জর খুলিলে,
 চাহে পুনঃ পশিবারে পূর্ক কারাগারে !
 এস তুমি ; এস শীত্র ! যাব কুঞ্জ-বনে,
 তুমি, হে বিহঙ্গরাজ, তুমি সঙ্কে নিলে !
 দেহ পদাশ্রয় আসি,—প্রেম-উদাসিনী
 আমি ! যথা যাও যাব , করিব যা কর ,—
 বিকাইব কার মনঃ তব রাণা পায়ে !

কলঙ্কী শশাঙ্ক, তোমা বলে সর্ক জ্ঞনে !
 কর আসি কলঙ্কিনী কিঙ্করী তারারে, ১৪৫
 তারানাথ ! নাহি কাজ বুধা কুলমানে ।
 এস, হে তারার বাঙ্গা ! পোড়ে বিরহিনী,
 পোড়ে যথা বনস্থলী ঘোর দাবানলে !
 চকোরী সেবিলে তোমা দেহ সুধা তারে,
 সুধাময় ; কোন্ দোষে দোষী তব পদে ১৫০
 অভাগিনী ? কুমুদিনী কোন্ তপোবলে
 পায় তোমা নিত্য, কহ ? আরন্তি সত্বরে
 সে তপঃ, আহার নিজা ত্যজি একাসনে !
 কিছু যদি থাকে দয়া, এস শীত্র করি !
 এ নব যৌবন, বিধু, অর্পিব গোপনে ১৫৫

তোমায়, গোপনে যথা অর্পেন আনিয়া
সিন্ধুপদে মন্দাকিনী স্বর্ণ, হীরা, মণি !

আর কি লিখিবে দাসী ? স্থপণ্ডিত তুমি,
কম অম ; কম দোষ ! কেমনে পড়িব
কি কহিল পোড়া মনঃ, হায়, কি লিখিল ১৬৩
লেখনী ? আইস, নাথ, এ মিনতি পদে ।

লিখিনু লেখন বসি একাকিনী বনে,
কাঁপি ভয়ে—কাঁদি খেদে— মরিয়া শরমে !
লয়ে ফুলবস্ত্র, কান্ত, নয়ন-কাজলে
লিখিনু ! কমিও হোব, দয়াসিন্ধু তুমি ! ১৬৫
আইলে দাসীর পাশে, বুঝিব কমিলে
দোষ তার, তারানাথ ! কি আর কহিব ?
জীবন মরণ মম আজি তব হাতে !

ইতি শ্রী বীরস্কনাকাব্যে তারাপত্রিকা নাম
দ্বিতীয় সর্গ ।

তৃতীয় সর্গ।



(দ্বারকানাথের প্রতি কুম্বিনী ।)

[নিম্নভাষিপতি ভীষ্মকরাজপুত্রী কুম্বিনী দেবীকে পৌরাণিক ইতি-
হাস্তে অয়ং লক্ষ্মী-অবতার বলিয়া বাখ্যা করিয়া থাকেন। প্রত্যয়
তিনি আঞ্জন্ম বিষ্ণুপরায়ণা ছিলেন। যৌবনাবস্থার তাঁহার জাত।
যুবরাজ রুপ দেবীধর শিওপলের সঙ্ঘিত তাঁহার পরিণয়োগে
উদ্যোগী হইলে, কুম্বিনী দেবী নিঃশিক্ষিত পত্রিকা খানি দ্বারকায়
বিষ্ণু-অবতার দ্বারকানাথের সমীপে প্রেরণ করেন। কুম্বিনী-হরণ-
বৃত্তান্ত এস্থলে বাক্য করা বাতলা।]

শুনি নিত্য ঋষিমুখে, হ্রষীকেশ ভূমি,
যাদবেন্দ্র, অবতীর্ণ অবনী-মণ্ডলে
খণ্ডিতে ধরার তার দণ্ডি পাপী-জনে,
• চাহে পদাশ্রয়, নমি ও রাজীবপদে,
কুম্বিনী,—ভীষ্মক-পুত্রী, চিরদাসী তব ;— ৫
তার, হে তারক, তারে এ বিপত্তি-কালে!

কেমনে মনের কথা কহিব চরণে,
অবলা কুলের বালা আমি, যদুমণি ?
কি সাহসে বাঁধি বুক, দিব জলাঞ্জলি
লজ্জাভয়ে ? মুদে আঁধি, হে দেব, শরমে ; ১০
না পারে আঙুল-কুল ধরিতে লেখনী ;
কাঁপে হিয়া ধরধরে ! না জানি কি করি ;
না জানি কাহারে কহি এ দুঃখ-কাহিনী !

শুন তুমি, দয়্যাসিন্ধু ! হায়, তোমা বিনা
নাহি গতি অভাগীর আর এ সংসারে ! ১৫

নিশার স্বপনে হেরি পুরুষ-রতনে,
কায় মনঃ অভাগিনী সঁপিয়াছে তাঁরে ;
দেবে সাক্ষী করি বরি দেবনরোত্তমে
বরভাবে ! নারী দাসী, নারে উচ্চারিতে
নাম তাঁর, স্বামী তিনি ; কিন্তু কহি, শুন, ২০
পঞ্চ মুখে পঞ্চমুখ আপোন সতত
সে নাম,—জগত-কর্নে সুধার লহরী !

কে যে তিনি ? জন্ম তাঁর কোন্ মহাকূলে ?
অবধান কর, প্রভু, কহিব সংক্ষেপে ;
তুলিয়া কুম্ভ-রাশি, মালিনী যেমতি ২৫
গাঁথে মালা, ঋষিযুগ-বাক্যচয় আজি
গাথিব গাথায়, নাথ, দেহ পদ-ছায়া !

পৃথিলা পুরুষোত্তম জন্ম কারাগারে ।—
রাজদ্বেষে পিতা মাতা ছিলা বন্দীভাবে,
দীনবন্ধু, তেঁই জন্ম নাথের কুস্থলে ! ৩০
ধনিগর্ভে ফলে মণি ; মুক্তা শুক্রিধামে !
হাসিলা উল্লাসে পৃথ্বী সে শুভ নিশীথে ;
শত শরদের শশী-সদৃশী শোভিল
বিভা ! গঙ্গামোদে যাতি স্বনিল। সুশ্বনে
সমীরণ ; নদ নদী কলকলকলে ৩৫
সিন্ধুপদে সুসংবাদ দিলা ক্রতগতি ;
কল্লোলিলা জলপতি গভীর নিনাদে !

নাচিল অঙ্গরা স্বর্গে ; মর্ত্যে নর নারী !

সঙ্কীভ-ভরঙ্গ রঙ্গে বহিল চৌদিকে !

বৃষ্টিলা কুমুম দেব ; পাইল দরিদ্র

৪০

রতন ; জীবন পুন্মঃ জীবশূন্য জন !

পূরিল অখিল বিশ্ব জয় জয় হবে !

জন্মান্তে জনমদাতা, ঘোর নিশাযোগে,

গোপরাজ-গৃহে লয়ে রাখিলা নন্দনে

মহা যত্নে ! মহারত্নে পাইলে যেমতি

৪৫

আনন্দ-সলিলে ভাসে দরিদ্র, ভাসিলা

গোকুলে গোপ-দম্পতী আনন্দ-সলিলে !

আদরে পালিলা বালে গোপ-কুল-রাণী

পুত্রভাবে । বাল্য-কালে বাল্য-খেলা যত

খেলিলা রাখাল-রাজ, কে পারে বর্ণিতে ?

৫০

কে কবে, কি ছলে শিশু নাশিলা মায়াবী

পূতনারে ? কাল নাগ কালীয়, কি দেখি,

লইল আশ্রয় নমি পাদ-পদ্ম-তলে ?

কে কবে, বাসব হবে কষি, বরষিলা

জলাসার, কি কোশলে গোবর্দ্ধনে তুলি,

৫৫

রক্ষিলা গোকুল, দেব, প্রলয়-প্রাবনে ?

আর আর কীর্তি যত বিদিত জগতে ?

যৌবনে করিলা কেলি গোপী-দলে লয়ে

রসরাজ ; মজাইলা গোপ-বধু-ত্রজ

বাজায়ে বাঁশকী, নাচি তমালের তলে !

৬০

বিহারিলা গোষ্ঠে প্রভু ; যমুনা-পুলিনে !

এই রূপে কত কাল কাটাইলা মুখে
 গোপ-ধামে গুণনিধি ; পরে বিনাশিয়া
 পিতৃ-অরি অরিন্দম, দূর সিন্ধু-ভীরে
 স্থাপিলা সুন্দরী পুরী । আর কব কত ? ৬৫
 দেখ চিন্তি, চিন্তামনি, চেন যদি তারে !

না পার চিনিতে যদি, দেহ আজ্ঞা তবে,
 পীতাম্বর, দেখি যদি পারে হে বর্ণিতে
 সে রূপ-মাধুরী দাসী । চিত্রপটে যেন,
 চিত্রিত সে মূর্তি চির, হয়, এ হৃদয়ে ! ৭০
 নবীন-নীরদ-বর্ণ ; শিখি-পুচ্ছ শিরে ;
 ত্রিভঙ্গ ; সুগল-দেশে বর গুঞ্জমালা ;
 মধুর অধরে বাঁশী ; বাস পীত ধড়া ;
 ঋজবজ্রাকুশ-চিহ্ন রাজীব-চরণে—
 যোগীন্দ্র-মানস-পদ্ম ! মোক্ষ-ধাম তবে ! ৭৫

যত বার হেরি, দেব, আকাশ-মণ্ডলে,
 ঘনবরে, শক্র-ধনুঃ চূড়ারূপে শিরে ;
 তড়িৎ সুধড়া অঙ্গে ;—পাদ্য অর্ঘ্য দিয়া,
 সাষ্টাঙ্গে প্রণমি, আমি পূজি ভক্তি-ভাবে !
 ত্রাস্তিমদে মাতি কহি,—‘প্রাণকান্ত মম ৮০
 আসিছেন শূন্যপথে তুমিতে দাসীরে !’
 উড়ে যদি চাতকিনী, গঞ্জি তারে রাগে !
 নাচিলে মধুরী, তারে মারি, যহুমনি !
 মস্ত্রে যদি ঘনবর, ভাবি, আঁখি মুদি,
 গোপ-বৃন্দ-বালা আমি ; বেণুর সুরবে ৮৫

ডাকিছেন সখা যোরে যমুনা-পুলিনে !
 কহি শিখীবরে,—‘ধন্য তুই পক্ষীকূলে,
 শিখণ্ডি ! শিখণ্ড তোর মণ্ডে শিরঃ য়াঁর,
 পূজেন চরণ তাঁর আপনি ধূর্জটি !’—
 আর পরিচয় কত দিব পদযুগে ?

৯০

শুন এবে ছুঃখ-কথা । হৃদয়-মন্দিরে
 স্থাপি সে স্মশ্যাম মূর্তি, সম্মাসিনী যথা
 পূজে নিত্য ইস্টদেবে গহন বিপিনে,
 পূজিতাম আমি নাথে । এবে ভাগ্য-দোষে
 চেদীশ্বর নরপাল শিশুপাল নামে,
 (শনি জনরব) নাকি আসিছেন হেথা
 বরবেশে বরিবারে, হায়, অভাগীরে !

৯৫

কি লজ্জা ! ভাবিয়া দেখ, হে দ্বারকাপতি !
 কেমনে অধর্ম কর্ম করিবে কল্লিণী ?
 যেক্ষায় দিয়াছে দাসী, হায়, একজনে
 কায় মনঃ ; অনা জনে—কম, গুণনিধি !—
 উড়ে প্রাণ, পোড়া কথা পড়ে যবে মনে !
 কি পাপে লিখিলা বিধি এ যাতনা জালে ?

১০০

আইস গরুড়-ধ্বজে, পাকজন্য নাদি,
 গদাধর ! রূপ গুণ থাকিত বদ্যপি
 এ দাসীর,—কহিতাম, ‘আইস, মুরারি,
 আইস ; বাহন তব বৈনতেয় যথা
 হরিল অমৃতরস পানি চন্দ্রলোকে,
 হর অভাগীরে তুমি প্রবেশি এ দেশে !’

১০৫

কিন্তু নাহি রূপ গুণ; কোন্ মুখ দিয়া ১১০

অমৃতের সহ দিব আপন তুলনা !

দীন আমি; দীনবন্ধু তুমি, যদুপতি ;

দেহ লয়ে কস্মিনীরে সে পুরুষোত্তমে,

যাঁর দাসী করি বিধি সৃজিয়া তাহারে !

কল্পনামে সহোদর,—দুরন্ত সে অতি ; ১১৫

বড় প্রিয়পাত্র তার চেদীশ্বর বলী ;

শরমে মায়ের পছে নারি নিবেদিতে

এ পোড়া মনের কথা ! চন্দ্রকলা সখী,

তার গলা ধরি, দেব, কাঁদি দিবা নিশি,—

নীরবে দুজনে কাঁদি সভয়ে বিরলে ! ১২০

লইনু শরণ আজি ও রাজীব-পদে ;—

বিঘ্ন-বিনাশন তুমি, ত্রাণ বিঘ্নে ঘোরে !

কি ছলে ডুলাই মনঃ; কেমনে যে ধরি

ঐশ্বর্য, শুনিবে যদি, কহিব, শ্রীপতি !

বহে প্রবাহিনী এক রাজ-বন-মাঝে ; ১২৫

‘যমুনা’ বলিয়া তারে সম্বোধি আদরে,

গুণনিধি ! কুলে তার কত যে রোপেছি

ভ্রমাল, কদম্ব,—তুমি হাসিবে শুনিলে !

পুষিয়াছি সারী শুক, ময়ূর ময়ূরী

কুঞ্জবনে ; অলিকুল গুঞ্জরে সতত ; ১৩০

কুহরে কোকিল ডালে ; ফোটে ফুলরাজী ।

কিন্তু শোভাহীন বন প্রভুর বিহনে !

কহ কুঞ্জবিহারীরে, হে দ্বারকাপতি,

আসিতে সে কুঞ্জবনে বেণু বাজাইয়া !
 কিম্বা মোরে লয়ে, দেব, দেহ তাঁর পদে ! ১৩৫
 আছে বহু গাভী গোষ্ঠে ; নিজ কর দিয়া
 সেবে দাসী তা সবারে । কহ হে রাখালে
 আসিতে সে গোষ্ঠগৃহে, কহ, যদুমণি !
 যতনে চিকণি নিত্য গাঁথি ফুলমালা ;
 বতনে কুড়ায়ৈ রাখি যদি পাই পড়ি ১৪০
 শিখীপুচ্ছ ভূমিতলে ;—কত যে কি করি,
 হার, পাগলিনী আমি ! কি কাজ কহিয়া ?
 আসি উদ্ধারহ মোরে, ধনুর্ধর তুমি,
 যুরারি : নংশিলা কংসে, শুনিয়াছে দাসী,
 কংসজিত ; মধুনাথে দৈত্য-কুল-রখী, ১৪৫
 বধিলা মধুসূদন, হেলায় তাহারে !
 কে বর্ণিবে গুণ তব, গুণনিধি তুমি ?
 কালরূপে শিশুপাল আসিছে সত্বরে ;
 আইস তাহার অগ্রে । প্রবেশি এ দেশে,
 হর মোরে ! হরে লয়ে দেহ তাঁর পদে, ১৫০
 হরিলে এ মনঃ যিনি নিশার স্বপনে !

ইতি শ্রীবীরাত্মনাকাব্যে কল্পিনীপত্রিকা নাম
 তৃতীয় সর্গ।

চতুর্থ সর্গ।



(দশরথের প্রতি কেকয়ী ।)

কোন সময়ে রাজসিঁ দশরথ কেকয়ী দেবীর নিকট এই প্রতিজ্ঞা করিয়াছিলেন, সে তিনি তাঁহার গর্ভদ্রাভ-পুত্র ভবতকেই যুব-রাজপদে অভিশিষ্ট করিবেন । কালক্রমে রাজা স্বসত্য বিশ্বত হইয়া কোশল্যানন্দন রামচন্দ্রকে সে পদ-প্রদানের ইচ্ছা প্রকাশ করাতে, কেকয়ী দেবী নম্ববা দাসী দাসীর মুখে এ সংবাদ পাইয়া, নিম্ন লিখিত পত্রিকাখানি রাজসমীপে প্রেরণ করিয়াছিলেন ।]

এ কি কথা শুনি আজ মন্থরার মুখে,
 রঘুরাজ ? কিন্তু দাসী নীচকুলোদ্ভবা,
 সত্য মিথ্যা জ্ঞান তার কতু না সম্ভবে !
 কহ তুমি ;—কেন আজি পুরবাসী যত
 আনন্দ-সলিলে মগ্ন ? ছড়াইছে কেহ .৫
 ফুলরাশি রাজপথে ; কেহবা গাঁথিছে
 মুকুল কুমুম ফল পল্লবের মালা
 সাজাইতে গৃহদ্বার—মহোৎসবে যেন ?
 কেন বা উড়িছে ধ্বজ প্রতি গৃহচূড়ে ?
 কেন পদাতিক, হয়, গজ, রথ, রথী ১০
 বাহিরিছে রণবেশে ? কেন বা বাজিছে
 রণবাদ্য ? কেন আজি পুরনারী-ত্রজ
 মুহুমুহঃ হলাহলি দিতেছে চৌদিকে ?
 কেন বা নাচিছে নট, গাইছে গায়কী ?

কেন এত বীণা-ধ্বনি ? কহ, দেব, শুনি, ১৫
 রূপা করি কহ মোরে,—কোন্ ত্রতে ত্রতী
 আজি রঘু-কুল-শ্রোষ্ঠ ? কহ, হে নৃমণি,
 কাহার কুশল-হেতু কৌশল্যা মহিষী
 বিতরেন ধন-জ্বাল ? কেন দেবালয়ে
 বাজিছে ঝাঁঝরি, শংখ, ঘণ্টা ঘটারোলে ? ২০
 কেন রঘু-পুরোহিত রত স্বস্ত্যয়নে ?
 নিরস্তর জন-শ্রোতঃ কেন বা বহিছে
 এ নগর-অভিমুখে ? রঘু-কুল-বধু
 বিবিধ ভূষণে আজি কি হেতু সাজিছে—
 কোন্ রঙ্গে ? অকালে কি আরস্ত্রিলা, প্রভু, ২৫
 যজ্ঞ ? কি মঙ্গলোৎসব আজি তব পুরে ?
 কোন্ রিপু হত রণে, রঘু-কুল-রথি ?
 জন্মিল কি পুত্র আর ? কাহার বিবাহ
 দিবে আজি ? আইবড় আছে কি হে গৃহে
 দুহিতা ? কোঁতুক বড় বাড়িতেছে বনে ! ৩০
 কহ, শুনি, হে রাজন্ ; এ বয়েসে পুনঃ
 পাইলা কি ভাগ্য-বলে—ভাগ্যবান্ তুমি
 চিরকাল !—পাইলা কি পুনঃ এ বয়েসে—
 রসময়ী নারী-ধনে, কহ, রাজ-ধ্বষি ?
 হা ধিক্ ! কি কবে দাসী—গুরু জন তুমি ! ৩৫
 নতুবা কেকয়ী, দেব, মুক্তকণ্ঠে আজি
 কহিত,—‘অসত্য-বাদী রঘু-কুল-পতি !

নির্লজ্জ ! প্রতিজ্ঞা তিনি ভাঙ্কেন সহজে !

ধর্ম-শব্দ মুখে,—গতি অধর্মের পথে !'

অযথার্থ কথা যদি বাহিরায় মুখে ৪০

কেকয়ীর, মাথা তার কাট তুমি আসি,

নররাজ ; কিষা দিয়া চূণ কালি গালে

খেদাও গহন বনে ! যথার্থ বদ্যপি

অপবাদ, তবে কহ, কেমনে ভঞ্জবে

এ কলঙ্ক ? লোক মাঝে কেমনে দেখাবে ৪৫

ও মুখ, রাঘবপতি, দেখ ভাবি মনে ।

না পড়ি চলিয়া আর নিতম্বের ভরে !

নহে ঞ্জ উক-দ্বয়, বর্জুল কদলী-

সদৃশ ! সে কটি, হার, কর-পাশে ধরি

যাহায়, নিন্দিতে তুমি সিংহে প্রেমানরে ৫০

আর নহে সক, দেব ! নমু-শিরঃ এবে

উচ্চ কুচ ! সুধা-হীন অধর ! লইল

লুটিয়া কুটিল কাল, যৌবন-ভাণ্ডারে

আছিল রতন যত ; হরিল কাননে

নিদাঘ কুমুদ-কান্তি, নীরসি কুমুদে !/ ৫৫

কিন্তু পূর্ব-কথা এবে স্মর, নরমণি !—

সেবিনু চরণ যবে তরণ যৌবনে,

কি সত্য করিলা, প্রভু, ধর্মে সাক্ষী করি,

মোর কাছে ? কাম-মদে মাত্তি যদি তুমি

বৃথা আশা দিয়া মোরে ছলিলা, তা কহ ;— ৬০

নীরবে এ দুঃখ আমি সহিব তা হলে !

কামীর কুরীতি এই শুমেছি জগতে,
 অবলার মনঃ চুরি করে সে সতত
 কোশলে, নির্ভয়ে ধর্ম্যে দিয়া জলাঞ্জলি ;—
 প্রবঞ্চনা-রূপ গুণ্য মাথে যধুরসে !

৬৫

এ কুপথে পথী কি হে সূর্য্য-বংশ-পতি ?
 ভূমিও কলক-রেখা লেখ সুললাটে,
 (শশাঙ্ক-সদৃশ) এবে, দেব দিনমণি !

ধর্ম্মশীল বলি, দেব, বাথানে তোমারে
 দেব নর,—জিতেজ্জিয়, নিত্য সত্যপ্রিয় !

৭০

তবে কেন, কহ মোরে, তবে কেন শুনি,
 যুবরাজ-পদে আজি অভিষেক কর
 কোশল্যা-নন্দন রাঘে ? কোথা পুত্র তব
 ভারত,—ভারত-রত্ন, রঘু-চূড়ামণি ?

পড়ে কি হে মনে এবে পূর্ব্বকথা যত ?

৭৫

কি দোষে কেকয়ী দাসী দোষী তব পদে ?
 কোন্ অপরাধে পুত্র, কহ, অপরাধী ?

তিন রানী তব, রাজা ! এ তিনের মাঝে,
 কি ক্রটি সেবিতে পদ করিল কেকয়ী

কোন্ কালে ? পুত্র তব চারি, নরমণি !

৮০

গুণশীলোত্তম রাম, কহ, কোন্ গুণে ?

কি কুহকে, কহ শুনি, কোশল্যা-মহিষী
 ভুলাইলা মনঃ তব ? কি বিশিষ্ট গুণ

দেখি রামচন্দ্রে, দেব, ধর্ম্ম নষ্ট কর

অতীষ্ট পূর্ণিতে তার, রঘুশ্রেষ্ঠ ভূমি ?

৮৫

কিন্তু বাক্য-ব্যয় আর কেন অকারণে ?—
 যাহা ইচ্ছা কর, দেব, ; কার সাধ্য রোধে
 তোমায়, নরেন্দ্র তুমি ? কে পারে ফিরাতে
 প্রবাহে ? বিতংসে কেবা বাঁধে কেশরীরে ?
 চলিল ত্যজিয়া আজি তব পাপ-পুরী ১০
 ভিখারিণী-বেশে হানো ! দেশ দেশান্তরে
 ফিরিব ; যেখানে যাব, কহিব সেখানে
 ‘পরম অধর্মাচারী রঘু-কুল-পতি !
 গভীরে অন্ধরে যথা নাদে কাদয়িনী,
 এ মোর দুঃখের কথা, কব সর্ব জনে ! ১৫
 পথিকে, গৃহস্থে, রাজে, কাঙালে, তাপসে,—
 যেখানে যাহারে পাব, কব তার কাছে—
 ‘পরম অধর্মাচারী রঘু-কুল-পতি !’
 পুষ্টি সারী শুক, দৌঁছে শিখাব যতনে
 এ মোর দুঃখের কথা, দিবস রজনী । ১০০
 শিখিলে এ কথা, তবে দিব দৌঁছে ছাড়ি
 অরণ্যে । গাইবে তারা বসি বৃক্ষ-শাখে,
 ‘পরম অধর্মাচারী রঘু-কুল-পতি !’
 শিখি পক্ষীমুখে গীত গাবে প্রতিধ্বনি—
 ‘পরম অধর্মাচারী রঘু-কুল-পতি !’ ১০৫
 লিখিব গাছের ছালে, নিবিড় কাননে,
 ‘পরম অধর্মাচারী রঘু-কুল-পতি !’
 খোদিব এ কথা আমি তুঙ্গ শৃঙ্গমেহে ।
 রচি গাথা, শিখাইব পল্লী-বাল-দলে ।

করতালি দিয়া তারা গাইবে নাচিয়া— ১১০

‘পরম অধর্ম্য চারী রঘুকুল-পতি !’

থাকে যদি ধর্ম্য, তুমি অবশ্য ভুঞ্জিবে
এ কর্ম্মের প্রতিফল ! দিয়া আশা মোরে,
নিরাশ করিলে আজি ; দেখিব নয়নে
তব আশা-বৃক্ষে ফলে কি ফল, নৃমণি ? ১১৫

বাড়ালে যাহার মান, থাক তার সাথে
গৃহে তুমি ! বামদেশে কোশল্যা মহিষী,—
(এত যে বয়েস, তবু লজ্জাহীন তুমি !)—
যুবরাজ পুত্র রাম ; জনক-নন্দিনী
সীতা প্রিয়তমা বধু ;—এ সবারে লয়ে ১২০
কর ঘর, নরবর, যাই চলি আমি !

পিতৃ-মাতৃ-হীন পুত্রে পালিবেন পিতা—
নাতামহালয়ে পাবে আশ্রয় বাছনি ।
দিব্য দিয়া মানা তারে করিব খাইতে
তব অন্ন ; প্রবেশিতে তব পাপ-পুরে । ১২৫

চিরি বকঃ মনোহুঃখে লিখিনু শোণিতে
লেখন । না থাকে যদি পাপ এ শরীরে ;
পতি-পদ-গতা যদি পতিব্রতা দাসী ;
বিচার ককন ধর্ম্ম ধর্ম্ম-রীতি-মতে !

ইতিশ্রীবীরাস্তনা কাব্যে কেকয়ীপত্রিকা নাম

পঞ্চম সর্গ ।



(লক্ষ্মণের প্রতি স্থপ্ননখা ।)

[যৎকালে রামচন্দ্র পঞ্চবটী-বনে বাস করেন, লক্ষ্মণপতি রাবণের স্তম্ভিনী স্থপ্ননখা রাবণের মোহন-রূপে যুদ্ধা হইয়া, তাঁহাকে এই নিম্ন লিখিত পত্রিকাখানি লিখিয়াছিলেন । কবি-ভরু বাস্কীকি রাবণের পরিবারবর্গকে প্রায়ই বীভৎস রূপ দিয়া বর্ণন করিয়া গিয়াছেন ; কিন্তু এ স্থলে সে রূপের লেশ মাত্রও নাই । অতএব পাঠকবর্গ সেই বাস্কীকিবর্ণিত-বিকটা স্থপ্ননখাকে স্মরণপথ হইতে দূরীকৃত করিবেন ।]

কে তুমি,—বিজনবনে অম হে একাকী,
বিভূতি-ভূষিত অঙ্গ ? কি কোঁতুকে, কহ,
বৈশ্বানর, লুকাইছ ভাস্কের মাঝারে ?
মেঘের আড়ালে যেন পূর্ণ শশী আজি ?

ফাটে বুক জঁটাজুঁট হেরি তব শীরে, ৫
মঞ্জুকেশি ! স্বর্ণ শয্যা ত্যজি জাগি আমি
বিরাগে, যখন ভাবি, নিত্য নিশাযোগে
শয়ন, বরাদ্ধ তব, হার রে, ভূতলে !
উপাদেয় রাজ-ভোগ যোগাইলে দাসী,
কাঁদি কিরাইয়া মুখ, পড়ে যবে মনে ১০
তোমার আহার নিত্য কল মূল, বলি !
সুবর্ণ মন্দিরে পশি নিরানন্দ গতি,
কেন না—নিবাস তব বঞ্জুল মঞ্জুলে !

হে সুন্দর, শীত্র আমি কহ ঘোরে শুনি,—

কোন্ দুঃখে ভব-সুখে বিমুখ হইলা ১৫

এ নব বোঁবনে তুমি ? কোন্ অভিমানে

রাজবেশ ত্যজিয়া হে উদাসীর বেশে ?

হেমান্ন মৈনাক-সম, হে তেজস্বি, কহ,

কার ভয়ে জন্ম তুমি এ বন-মাগরে

একাকী, আবারি তেজঃ, ক্ষীণ, ক্ষুন্ন ধেদে ? ২০

তোমার মনের কথা কহ আসি যোরে ।—

যদি পরাভূত তুমি রিপূর বিক্রমে,

কহ শীত্র ; দিব সেনা ভব-বিজয়িনী,

রথ, গজ, অশ্ব, রথী—অতুল জগতে !

বৈজয়ন্ত-ধামে নিত্য শচীকান্ত বলী ২৫

ত্রস্ত অস্ত্র-ভয়ে যার, হেন ভীম রথী

যুঝিবে তোমার হেতু—আমি আদেশিলে !

চন্দ্রলোকে, সূর্যালোকে,—যে লোকে ত্রিলোকে

লুকাইবে অরি তব, বাঁধি আনি তারে

দিব তব পদে, শূর ! চামুণ্ডা আপনি, ৩০

(ইচ্ছা যদি কর তুমি) দাসীর সাধনে,

(কুলদেবী তিনি, দেব,) ভীমধণ্ডা হাতে,

ধাইবেন হুঙ্কারে নাচিতে সংগ্রামে—

দেব-দৈত্য-নর-ক্রাস !— যদি অর্থ চাহ,

কহ শীত্র ;—অলকার ভাণ্ডার খুলিব ৩৫

তুধিতে তোমার মনঃ ; নতুবা কুহকে

শুবি রক্ষাকরে, লুটি দিব রত্ন-জালে !

মনিবোনি ধনি যত, দিব হে তোমায়ে ।

প্রেম-উদাসীন যদি তুমি, গুণমণি,
 কহ, কোন্ সুবতীর—(আহা, ভাগ্যবতী ৪০
 রামাকূলে সে রমণী !)—কহ শীত্র করি,—
 কোন্ সুবতীর নব যৌবনের মধু
 বাঙ্কা তব ? অনিমিষে রূপ তার ধরি,
 (কামরূপা আমি, নাথ,) সেবিব তোমারে !
 আনি পারিজাত ফুল, নিত্য সাজাইব ৪৫
 শয্যা তব ! সঙ্গে য়োর সহস্র সঙ্গিনী,
 নৃত্য গীত রঙ্গে রত । অপ্সরা, কিন্নরী,
 বিদ্যাধরী,—ইন্দ্ৰাণীর কিঙ্করী যেমতি,
 তেমতি আমারে সেবে দশ শত দাসী ।
 সুবর্ণ নির্মিত গৃহে আমার বসতি— ৫০
 মুক্তাময় মাঝ তার ; সোপান খচিত
 মরকতে ; শুভ্রে হীরা, পদ্মরাগ মণি ;
 গবাঞ্জে দ্বিরদ-রদ, রতন কপাটে !
 সুকল স্বরলহরী উথলে চৌদিকে
 দিবানিশি ; গায় পাখী সুমধুর স্বরে ; ৫৫
 সুমধুরতর স্বরে গায় বীণাবাদী
 বামাকুল ! শত শত কুসুম-কাননে
 লুটি পরিমল, বায়ু অনুকণ বহে !
 খেলে উৎস ; চলে জল কলকল কলে !
 কিন্তু বৃথা এ বর্ণনা । এস, গুণনিধি, ৬০
 দেখ আসি,—এ মিনতি দাসীর ও পদে !
 কাগ, মনঃ, প্রাণ আমি সঁপিব তোমারে !

ভুঞ্জ আসি রাজ-ভোগ দাসীর আলায়ে ;
 নহে কহ, প্রাণেশ্বর ! অল্লান বদনে,
 এ বেশ ভূষণ ত্যজি, উদাসীনী-বেশে ৬৫
 সাজি, পূজি, উদাসীন, পাদ-পদ্ম তব !
 রতন কাঁচলী ধুলি, ফেলি ভারে দূরে,
 আবারি বাকলে শুদ ; যুচাইয়া বেণী,
 মণি জঁটা জুটে শিরঃ ; ভুলি রত্নরাজী,
 বিপিন-জন্মিত ফুলে বাঁধি হে কবরী ! . ৭০
 মুছিয়া চন্দন, লেপি ভস্ম কলেবরে ।
 পরি কঙ্কাকের মালা, যুক্তামালা ছিঁড়ি,
 গলদেশে ! প্রেম-মস্ত্র দিও কর্ণ-মূলে ;
 গুণের দক্ষিণা-রূপে প্রেম-গুণ-পদে
 দিব এ যৌবন-ধন প্রেম-কুতূহলে ! ৭৫
 প্রেমাধীনা নারীকুল ডরে কি হে দিতে
 জলাঞ্জলি, মঞ্জুকেশি, কুল, মান, ধনে
 প্রেমলাভ-লোভে কতু ?—বিরলে লিখিয়া
 লেখন, রাখিলু; সখে, এই তকতলে ।
 নিত্য তোমা ছেরি হেথা ; নিত্য ত্রম তুমি ৮০
 এই স্থলে । দেখ চেয়ে ; ওই যে শোভিছে
 শমী,—লতারতা, মরি, ঘোমটার যেন,
 লজ্জাবতী !—দাঁড়াইয়া উহার আড়ালে,
 গতিহীনা লজ্জাভয়ে, কত যে চেয়েছি
 তব পানে, নরবর—হায় ! হৃদ্যমুখী ৮৫
 চাহে বধা স্থির-আঁধি সে হৃদয়ের পানে !—

কি আর কহিব তার ? যত কণ তুমি
 থাকিতে বসিয়া, নাথ ; থাকিত দাঁড়িয়ে
 প্রেমের নিগড়ে বদ্ধা এ তোমার দাসী !
 খেলে তুমি শূন্যাসনে বসিতাম কাঁদি ! ৯০

হায় রে, লইয়া ধূলা, সে স্থল হইতে
 যথায় রাখিতে পদ, মাখিতাম তালে,
 হব্য-ভঙ্গ্য তপস্বিনী মাখে তালে যথা !
 কিঙ্ক বৃথা কহি কথা ! পড়িও, নৃমণি,
 পড়িও এ লিপিকাণি, এ মিনতি পদে ! ৯৫

যদিও হৃদয়ে দয়া উদয়ে, যাইও
 গোদাবরী-পূর্বকূলে ; বসিব সেখানে
 মুদিত কুমুদীরূপে আজি সায়ংকালে ;
 তুমিও দাসীরে আসি শশধর-বেশে !
 লয়ে তরি সহচরী থাকিবেক ভীরে ; ১০০
 সহজে হইবে পার । নিবিড় সে পারে
 কানন, বিজনদেশ । এস, গুণনিধি ;
 দেখিব প্রেমের স্বপ্ন জাগি হে হৃদয়ে !

যদি আজ্ঞা দেহ, এবে পরিচয় দিব
 সংক্ষেপে । বিখ্যাত, নাথ, লক্ষা, রক্ষঃপুরী ১০৫
 স্বর্ণময়ী, রাজ্য তথা রাজ-কুল-পতি
 রাবণ, ভগিনী তাঁর দাসী ; লোকমুখে
 যদি না শুনিয়া থাক, নাম স্থপ্ননাথ ।
 কত যে বয়েস তার ; কি রূপ বিখ্যাত
 দিয়াছেন, আশু আসি দেখ, নরমণি ! ১১০

আইস মলয়-রূপে ; গন্ধহীন যদি
 এ কুসুম, ফিরে তবে যাইও তখনি !
 আইস জ্বর-রূপে ; না যোগায় যদি
 মধু এ যৌবন-ফুল, যাইও উড়িয়া
 গুঞ্জরি বিরাগ-রাগে ! কি আর কহিব ? ১১৫
 মলয় জ্বর, দেব, আমি সাধে দৌঁছে
 বৃন্দাসনে মালতীরে ! এস, সখে, তুমি ;—
 এই নিবেদন করে স্থৰ্ণনখা পদে ।

শুন নিবেদন পুনঃ ! এত দূর লিখি
 লেখন, সখীর মুখে শুনিলু হরষে, ১২০
 রাজরথী দশরথ অযোধ্যাধিপতি,
 পুত্র তুমি, হে কন্দর্প-গর্ভ-খর্ক-কারি,
 তাঁহার ; অগ্রজ সহ পশিয়াছ বনে
 পিতৃ-সত্য-রক্ষা-হেতু ! কি আশ্চর্য্য ! মরি,—
 বালাই লইয়া তব, মরি, রঘুমণি, ১২৫
 দয়ার সাগর তুমি ! তা না হলে কভু
 রাজ্য-ভোগ ত্যজিতে কি ভ্রাতৃ-প্রেম-বশে ?
 দয়ার সাগর তুমি । কর দয়া মোরে,
 প্রেম-ভিখারিণী আমি তোমার চরণে !
 চল শীত্র যাই দৌঁছে স্বর্ণ লঙ্কাধামে । ১৩০
 সম পাত্র মানি তোমা, পরম আদরে,
 অর্পিবেন শুভ কণে রক্ষঃ-কুল-পতি
 দাসীরে কমল-পদে । কিনিয়া, নৃমণি,
 অযোধ্যা-সদৃশ রাজ্য শতেক ঘোঁড়কে,

হবে রাজা; দাসী-ভাবে সেবিবে এ দাসী ! ১৩৫
 এস শীত্ৰ, প্রাণেশ্বর ; আর কথা যত
 নিবেদিব পাদ-পাশে বসিয়া বিরলে ৷

কম অশ্রু-চিহ্ন পড়ে ; আনন্দে বহিছে
 অশ্রু-ধারা ! লিখেছে কি বিধাতা এ ভালে
 হেন সুখ, প্রাণসখে ? আসি ত্বর করি, ১৪০
 প্রশ্নের উত্তর, নাথ, দেহ এ দাসীরে ।

ইতি শ্রীবীরাক্রমাকাব্যে সূৰ্পনখা পত্রিকা নাম
 পঞ্চম সর্গ।

ষষ্ঠ সর্গ ।



(অর্জুনের প্রতি দ্রৌপদী ।)

[যৎকালে ধর্মরাজ যুধিষ্ঠির পাণ্ডুকীড়ায় পরাজিত ও রাজ্যচ্যুত হইয়া বনে বাস করেন, বীরবর অর্জুন বৈবর্নিনীহাতনের নিমিত্ত অজনিষ্কার্য হুরপুরে গমন করিয়াছিলেন। পার্শ্বের বিরহে কাতরা হইয়া, দ্রৌপদী দেবী তাঁহাকে নিঃ-লিখিত পত্রিকাখানি এক ঋষিপুত্রের সহযোগে প্রেরণ করিয়াছিলেন।]

হে ত্রিদশালয়-বাসি, পড়ে কভু মনে
এ পাপ সংসার আর ? কেন বা পড়িবে ?
কি অভাব তব, কাস্ত, বৈজয়ন্ত-ধামে ?

দেব-ভোগ-ভোগী ভূমি, দেবসভা মাঝে
আসীন দেবেজ্ঞাসনে ! সতত আদরে ৫
সেবে তোমা সুরবালা,—পীনপয়োধরা
ঘৃতাচী ; সু-উক-রস্তা ; নিত্য-প্রভাময়ী
স্বয়ম্প্রভা ; মিশ্রকেশী—সুকেশিনী ধনী !
উর্কশী—কলঙ্ক-হীনা শলীকলা দিবে !
নিবিড়-নিতম্বী সহ্য সহ চিত্রলেখা ১০
চাকনেত্রী ; সুযধ্যমা তিলোক্তমা বামা ;
সুলোচনা সুলোচনা, কেহ গায় সুখে ;
কেহ নাচে,—দিব্য বীণা বাজে দিব্য তালে ;
মন্দার-মণ্ডিত বেণী দোলে পৃষ্ঠদেশে !
কস্তুরী কেশর ফুল আনে কেহ সাধে ! ১৫
কেহ বা অধর-মধু যোগায় বিরলে,

সুযুগল-ভুজে তোমা বাঁধি, গুণনিধি !
 রসিক নাগর তুমি ; নিত্য রসবতী
 সুরবালা ;—শত ফুল প্রফুল্ল যে বনে,
 কি সুখে বঞ্চিত, সখে, শিলীমুখ তথা ? ২০

নন্দন-কাননে তুমি আনন্দে, সুমতি,
 ভ্রম নিত্য ! শুনিয়াছি ঋতুরাজ না কি
 সাজান সে বনরাজ্যে বিরাজি সে বনে
 নিরন্তর ; নিরন্তর গায় পাখী শাখে ;
 না শুখায় ফুলকুল ; মণি মুক্তা হীরা ২৫
 স্বর্ণ মরকতে বাঁধা সরোরোধঃ স্বত !

মন্দ মন্দ সমীরণ বহে দিবা নিশি
 গন্ধামোদে পূরি দেশ । কিন্তু এ বর্ণনে
 কি কাজ ? শুনেছে দাসী কর্ণে মাত্র যাছা,
 নিত্য স্বনয়নে তুমি দেখ তা, নৃমণি ! ৩০
 স্বশরীরে স্বর্গভোগ ! কার ভাগ্য হেন
 তোমা বিনা, ভাগ্যবান্, এ ভব-মণ্ডলে ?
 ধন্য নর-কূলে তুমি ! ধন্য পুণ্য তব !

পড়িলে এ সব কথা মনে, শূরমণি,
 কেমনে ভাবিব, হায়, কহ তা আমারে, ৩৫
 অভাগী দাসীর কথা পড়ে তব মনে ?
 তবে যদি নিজগুণে, গুণনিধি তুমি,
 তুলিয়া না থাক তারে,—আশীর্কাদ কর,
 নমে পদে, ধনঞ্জয়, রূপদ-নন্দিনী—
 কৃতাজলি-পুটে দাসী নমে তব পদে ! ৪০

হায়, নাথ, বুধা জগ্ন নারীকূলে যম !
 কেন যে লিখিলা বিধি এ পোড়া কপালে
 হেন তাপ ; কোন্ পাপে দণ্ডিলা দাসীরে
 এ রূপে, কে কবে য়ারে ? সুধিব কাহারে ?
 রবি-পরায়ণা, মরি, সরোজিনী ধনী, ৪৫
 তবু নিত্য সমীরণ কহে তার কানে
 প্রেমের রহস্য কথা ! অবিরল লুটে
 পরিমল ! শিলীমুখ, গুঞ্জরি সতত,
 (কি লজ্জা !) অধর-মধু পান করে সুখে !
 সৃজিলা কমলে যিনি, সৃজিলা দাসীরে ৫০
 সেই নিদাক্ষণ বিধি ! কারে নিন্দি, কহ
 অরিন্দম ? কিন্তু কহি ধর্ম্মে সাক্ষী মানি,
 শুন তুমি, প্রাণকান্ত ! রবির বিরহে,
 নলিনী মলিনী যথা মুদিত বিষাদে ;
 মুদিত এ পোড়াপ্রাণ তোমার বিহনে ! ৫৫
 সাধে যদি শত অলি গুঞ্জরিনা পদে ;
 সহস্র দিনতি যদি করে কর্ণ-মূলে
 সমীরণ, ফোটে কি হে কতু পঙ্কজিনী,
 কনক-উদয়াচলে না হেরি মিহিরে,
 কিরীটি ? আঁধার বিশ্ব এ পোড়া নয়নে, ৬০
 হায়রে, আঁধার নাথ, তোমার বিরহে—
 জীবশূন্য, রবশূন্য, মহারণা যেন !
 আর কি কহিব, দেব, ও রাজীবপ-দে ?
 পাঞ্চালীর চির-বাহু, পাঞ্চালীর পতি

ধনঞ্জয় ! এই জানি, এই মানি মনে । ৬৫
 যা ইচ্ছা করুন ধর্ম, পাপ করি যদি
 ভালবাসি নৃমণিরে,—যা ইচ্ছা, নৃমণি !
 হেন সুখ ভুঞ্জি, দুঃখ কে ডরে ভুঞ্জিতে ?

যজ্ঞানলে জনশিল দাসী যাজ্ঞসেনী,
 জান তুমি, মহাবশা । তরুণ যৌবনে ৭০
 রূপ গুণ যশে তব, হায় রে, বিবশা,
 বরিনু তোমায় মনে ! সখীদলে লয়ে
 কত যে খেলিনু খেলা, কহিব কেমনে ?

বৈদেহীর সুকাহিনী শুনি লোক মুখে
 শিবের মন্দিরে পশি পুষ্পাঞ্জলি দিয়া, ৭৫
 পূজিতাম শিবধনুঃ ! কহিতাম সাধে,—

‘ঋষিবেশে স্বপ্ন অশ্রু দেখাও জনকে
 (জানি কামরূপ তুমি !) দিতে এ দাসীরে
 সে পুরুষোত্তমে, যিনি দুই খণ্ড করি,
 হে কোদণ্ড, ভাঙ্কিবেন তোমায় স্ববেলে ! ৮০

তা হলে পাইব নাথে, বলী-শ্রেষ্ঠ তি নি !’
 শুনি বৈদেহীর কথা, ধরিতাম ফাঁদে
 রাজহংসে ; দিয়া তারে আহার, পরায়ে
 সুবর্ণ যুংঘুর পায়ে, কহিতাম কানে,—
 ‘যমুনার তীরে পুরী বিখ্যাত জগতে ৮৫

হস্তিনা ;—তথায় তুমি, রাজহংসপতি,
 যাও শীত্র শূন্য পথে, হেরিবে সে পুরে
 নরোত্তমে ; তাঁর পদে কহিও, জ্যোপদী

তোমার বিরহে মরে জুপদ-নগরে !'

এই কথা কয়ে তারে বিতাম ছাড়িয়া।

৯০

হেরিলে গগনে মেঘে, কহিতাম নমি ;—

' বাহন যাঁহার তুমি, মেঘ-কুল-পতি,

পুত্রবধু তাঁর আমি ; বহ তুলি মোরে,

বহ যথা বারি-ধারা, নাথের চরণে !

জল-দানে চাতকীরে ভোয দাত্তা তুমি,

৯৫

তোমার বিরহে, হায়, তৃষাতুরা যথা

সে চাতকী, তৃষাতুরা আমি, ঘনঘনি !

মোর সে বারিদ-পদে দেহ মোরে লয়ে !'

আর কি শুনিবে, নাথ ? উঠিল যৎকালে

জ্ঞানরব—' জতুগৃহে দহি মাড়-নহ

১০০

ভ্যাজলা অকালে দেহ পঞ্চ পাওরখী'—

কত যে কাঁদিবু আমি, কব তা কাহারে :

কাঁদিবু—বিধবায়েন হইবু যৌবনে !

প্রার্থিবু রতির পূজি,—হর-কোপানলে,

হে সতি, পুড়িলা যবে প্রাণ-পতি তব,

১০৫

কত যে মহিলা দুঃখ, তাই স্মরি মনে,

বাঁচাও মদনে মোর,—এই ভিক্ষা মাগি !'

পরে স্বয়ম্বরোৎসব। অঁধার দেখিবু

চৌদিক, পশিবু যবে রাজসভা-মাঝে !

সাধিবু মাটিরে ফাটি হইতে দুখানি !

১১০

দাঁড়াইয়া লক্ষ্য-তলে কহিবু, ' ধসিয়া

পড় তুমি পোড়া শিরে বজ্রাঘ্নি-সদৃশ,

হে লক্ষ্য ! জ্বলিয়া আমি মরি তব তাপে,
 প্রাণ-পতি জ্বতুগৃহে জ্বলিলা যেমতি !
 না চাহি বাঁচিতে আর । বাঁচিব কি সাধে ?' ১১৫

উঠিল সভায় রব,—‘নারিলা ভেদিতে
 এ অলক্ষ্য লক্ষ্যে আজি ক হ্রস্বী যত ।’—
 জান তুমি, গুণযনি, কি ঘটিল পরে ।
 ভস্মরাশি মাঝে গুপ্ত বৈখানর-রূপে
 কি কাজ করিল তুমি, কে না জানে ভবে, ১২০
 রথীশ্বর ? বজ্রবাদে ভেদিল আকাশে
 মৎস্য-চক্ষুঃ ভীক্ষু শর ! সহসা ভাসিল
 আনন্দ মলিলে প্রাণ ; শুনিবু সুবাণী
 (স্বপ্নে যেন !) ‘এই তোমার পতি, লো পাঞ্চালি !
 ফুল-মালা দিয়ে গলে, বর নরবরে !’ ১২৫
 চাহিবু বরিতে, নাথ, নিবারিলা তুমি
 অভাগীর ভাগ্য-দোষে ! তা হলে কি তবে
 এ বিষম তাপে, ছায়, মরিত এ দাসী ?

কিন্তু বৃথা এ বিলাপ !—হৃৎকারি রোমে,
 লক্ষ রাজরথী যবে বেড়িল তোমায়ে ; ১৩০
 অমুরাশি-নাদ সম কষুরাশি যবে
 নাহিল সে স্বয়ম্বরে ;—কি কথা কহিয়া
 সাহসিলা এ দাসীরে, পড়ে কি হে মনে ?
 যদি ভূলে থাক তুমি, ভুলিতে কি পারে
 জ্যোৎস্না ? আসন্ন কালে সে সুকথা গুলি ১৩৫
 জগিয়া মরিব, দেব, মহামন্ত্র-জ্ঞানে !

কহিলে সঘোষি যোরে সুমধুর স্বরে ;—
 'আশারূপে মোর পাশে দাঁড়াও, রূপসি !
 দ্বিগুণ বাড়িবে বল চন্দ্রমুখ হেরি,
 চন্দ্রমুখি ! যত ক্ষণ ক্ষণীক্ষের দেহে ১৪০
 থাকে প্রাণ, কার সাধ্য হরে শিরোমণি ?
 আমি পার্থ !'—কম, নাথ, লাগিল তিতিতে
 অনর্গল অশ্রুজল এ লিপি ! কেন না,—
 হায় রে, কেন না আমি যরিনু চরণে
 সে দিন !—কি লিখি, হায়, না পাই দেখিতে ! ১৪৫
 আঁধা, বঁধু, অশ্রুনীরে এ তব কিঙ্করী !—●●
 ●● এত দূর লিখি কালি, ফেলাইনু দূরে
 লেখনী । আকুল প্রাণ উঠিল কাঁদিয়া
 স্মরি পূর্ব-কথা যত ! বসি তরু-মূলে,
 হায় রে, তিতিনু, নাথ, নয়ন-আসারে ! ১৫০
 কে মুছিল চক্ষুঃ জল ? কে মুছিবে কহ ?
 কে আছে এ অভাগীর এ ভবমণ্ডলে ?
 ইচ্ছা করে ত্যজি প্রাণ ডুবি জলাশয়ে ;
 কিম্বা পান করি বিষ ; কিন্তু ভাবি যবে,
 প্রাণেশ, ত্যজিলে দেহ আর না পাইব ১৫৫
 হেরিতে ও পদযুগ,—সাস্তুনি পরাণে,
 তুলি অপমান, লজ্জা, চাহি বাঁচিবারে !
 অগ্নিতাপে তপ্তা সোণা গলে হে সোহাগে,
 পায় যদি সোহাগায় ! কিন্তু কহ, রখি,
 কবে ফিরি আসি দেখা দেবে এ কাননে ? ১৬০

কহ ত্রিদিবের বার্তা । কবীশ্বর তুমি,
গাঁথি মধুমাখা গাথা পাঠাও দাসীরে ।
ইচ্ছা বড়, গুণমণি, পরিতে অলকে
পারিজাত ; যদি তুমি আন সঙ্গে করি,
দ্বিগুণ আদরে ফুল পরিব কুস্তলে !

১৩৫

শুনেছি কামদা না কি দেবেজের পুরী ;—
এ দাসীর প্রতি যদি থাকে দয়া হৃদে,
ভুলিতে পার হে যদি সুর-বালা-দলে,
এ কামনা কামধুকে কর দয়া করি
পাও যেন অভাগীরে চরণ কমলে

১৭০

ক্ষণ কাল ! জুড়াইব নয়ন স্মৃতি
ও রূপ-মাধুরী হেরি,—ভুলি এ বিচ্ছেদে ;
অপ্সরা-বল্লভ তুমি ; নর-নারী দাসী ;
তা বলো করো না ঘণা—এ মিনতি পদে !
স্বর্ণ-অলঙ্কার যারা পরে শিরোদেশে,
কণ্ঠে, হস্তে ; পরে না কি রজত চরণে ?

১৭৫

কি ভাবে কাটাই কাল এ বিকট বনে
আমরা, কহিব এবে, শুন, গুণনিধি ।
ধর্ম-কর্ম রত সদা ধর্মরাজ-ঋষি ;
ধোঁয়া পুরোহিত নিত্য ভুসেন রাজনে
শান্ত্রালাপে । যুগয়ার রত ভ্রাতা তব
মধ্যম ; অনুজ-দ্বয়, মহা-ভক্তিভাবে,
সেবেন অগ্রজ-দ্বয়ে ; যথা সাধ্য, দাসী
নির্কাহে, হে মহাবাহু, গৃহ-কার্য্য যত ।

১৮০

কিস্তু কুগ্ৰমনা সবে তোমার বিহনে ! ১৮৫

স্মরি তোমা অশ্রুণীয়ে তিতেন নৃপতি,
আর তিন ভাই তব । স্মরিয়া তোমায়ে,
আকুল এ পোড়া প্রাণ, ছায়, দিবা নিশি !
পাই যদি অবসর, কুটীর তেয়াগি

স্মৃত-দুর্ভী সহ, নাথ, ভ্রমি একাকিনী, ১৯০
পূর্কের কাহিনী যত শুনি তাঁর মুখে !

পাণ্ডব-কুল-ভরসা, মহেষাস, তুমি :
বিমুখিবে তুমি, সখে, সম্মুখ-সম্মরে
ভীষ্ম জ্যেষ্ঠ কৰ্ণ শূরে ; নাশিবে কোঁরবে !

বসাইবে রাজ্যাসনে পাণ্ডু-কুল-রাজে ; — ১৯৫
এই গীত গায় আশা নিত্য এ আশ্রমে
এ সঙ্গীত-ধ্বনি, দেব, শুনি জাগরণে ।

শুনি স্বপ্নে নিশাভাগে এ সঙ্গীত-ধ্বনি !

কে শিখায় অস্ত্র তোমা, কহ সুরপুরে,
অস্ত্রী-কুল-ওক তুমি ? এই সুর-দলে ২০০

প্রচণ্ড গাণ্ডীব তুমি টঙ্কারি ছংকারে,
দমিলা ধাণ্ডব-রণে ! জিনিলা একাকী
লক্ষরাজে, রথীরাজ, লক্ষ্য-ভেদ-কালে ।

নিপাতিলা ভূমিতলে বলে ছদ্মবেশী
কিরাতেরে ! এ ছলনা, কহ, কি কারণে ? ২০৫

এস কিরি, নররত্ন ! কে করে বিদেশে

যুবতী পড়ীয়ে ঘরে রাখি একাকিনী ;

কিস্তু যদি সুরনারী প্রেম-কান পাতি

বঁধে থাকে মনঃ, বঁধু, স্মর জাত-জয়ে—
তোমার বিরহ-দুঃখে দুঃখী অহরহ ! ২১০

আর কি অধিক কব ? যদি দয়া থাকে,
আসি দেখ কি দশায় তোমার বিরহে,
কি দশায়, প্রাণেশ্বর, নিবাসি এ দেশে !

পাইয়াছি মৈবে, দেব, এ বিজন বনে
ঋষিপত্নী পুণ্যবতী ; পূর্ক পুণ্য-বলে ২১৫

শেচ্ছাচর পুত্র তাঁর ! তেজস্বী সুলিও
দিবায়ুখে রবি যেন ! বেদ-অধ্যয়নে
সদা রত ! দয়া করি বহিবেন তিনি,
মাতৃ-অনুরোধে পত্র, দেবেন্দ্র-সমনে ।

যথাবিধি পূজা তাঁর করিও স্মৃতি । ২২০

লিখিলে উত্তর তিনি আনিবেন হেথা ।

কি কহিনু, নরোত্তম ? কি কাজ উত্তরে ?

পত্রবহ সহ কিরি আইস এ বনে !

ইতি শ্রীবীরসঙ্গীত কাব্যে দ্রৌপদী-পত্রিকা নাম

ষষ্ঠ সর্গ ।

সপ্তম সর্গ।

দুর্যোধনের প্রতি ভানুমতী ।

ভগদত্তপুত্রী ভানুমতী দেবী রাজ্যদুর্যোধনের পত্নী । কুরুক্ষেত্র
দুর্যোধন পাণ্ডবকুলের সহিত কুরুক্ষেত্রযুদ্ধে যাত্রা করিলে
অল্প দিনের মধ্যে রাজমহিষী ভানুমতী তাঁহার নিকট নিম্ন-
লিখিত পত্রিকাখানি প্রেরণ করিয়াছিলেন ।]

অধীর সত্তত দাসী, যে অবধি তুমি
করি যাত্রা পশিয়াছ কুরুক্ষেত্র-রণে !
নাহি নিদ্রা ; নাহি কচি, হে নাথ, আহ্বারে !

না পারি দেখিতে চখে খাদ্যদ্রব্য যত ।

কভু যাই দেবালয়ে ; কভু রাজোদ্যানে ; ৫

কভু গৃহ-চূড়ে উঠি, দেখি নিরখিয়া

রণ-স্থল । রেণু-রাশি গগন আবরে

ঘন ঘনজ্বলে ঘন ; জ্বলে শর-রাশি,

বিজলীর ঝলা সম ঝলসি নয়নে !

শুনি দূর সিংহনাদ, দূর শঙ্খ-ধ্বনি. ১০

কাঁপে হিয়া ধরধরে ! যাই পুনঃ ফিরি ।

স্তম্ভের আড়ালে, দেব, দাঁড়িয়ে নীরবে,

শুনি সঙ্ঘের মুখে যুদ্ধের বারতা,

যথা বসি সভাতলে অন্ধ নরপতি !

কি যে শুনি, নাহি বুঝি—আমি পাগলিনী ! ১৫

যনের জ্বালায় কভু জলাঞ্জলি দিয়া

লজ্জায়, পড়িয়া কাঁদি শ্যামড়ীর পদে,

নয়ন-আসারে ধৌত করি পা দুখানি !
 নাহি সরে কথা মুখে, কাঁদি মাত্র খেদে !
 নারি সাস্তু নিতে মোরে, কাঁদেন মহিষী ; ২০
 কাঁদে কুক-বধু যত ! কাঁদে উচ্চ-রবে,
 মায়ের আঁচল ধরি, কুক-কুল-শিশু,
 তিত্তি অশ্রু-নীরে, হায়, না জানি কি হেতু !
 দিবা নিশি এই দশা রাজ-অবরোধে ।

কুক্কেণে মাতুল ভব—কথ দুঃখিনীরে !— ২৫
 কুক্কেণে মাতুল ভব ককর-কুল-প্লানি,
 আইল হস্তিনাপুরে ! কুক্কেণে শিখিলা
 পাপ অক্ষবিদ্যা, নাথ, সে পাপীর কাছে !
 এ বিপুল কুল, মরি, মজালে দুর্ঘতি,
 কাল-কলিরূপে পশি এ বিপুল-কুলে ! ৩০

ধর্মশীল কর্ষক্রেত্রে ধর্মরাজ-সম
 কে আছে, কহ তা, শুনি ? দেখ ভীমসেনে,
 ভীম পরাক্রমী শূর, দুর্কার সমরে !
 দেব-নর-পূজা পার্থ—অব্যর্থ প্রহরী !
 কত গুণে গুণী, নাথ, নকুল স্মৃতি, ৩৫
 সহ শিষ্ট সহদেব, জান না কি তুমি ?
 যেদিনী-সদনে রমা ঋপদ-নন্দিনী !
 কার হেতু এ সবারে ত্যাজিলা, ভূপতি ?
 গঙ্গাজল-পূর্ণ ঘটে, হায়, ঠেলি ফেলি,
 কেন অবগাহ দেহ কর্ষনাশা-জলে ? ৪০
 অবহেলি দ্বিজোত্তমে চণ্ডালে ভকতি ?

অনু-বিষ, নীরবুন্দ কুলদূর্কাদলে
 নহে মুক্তাকল, দেব ! কি আর কহিব ?
 কি ছলে ভুলিলা তুমি, কে কবে আঁমারে ?

এখনও দেহ কমা, এই ভিক্ষা মাগি,
 ক ব্রমণি ! ভাবি দেখ,—চিত্রসেন যবে,
 কুকবধুদলে বাঁধি তব সহ রথে,
 চলিল গন্ধর্কদেবে, কে রাখিল আসি
 কুলমান প্রাণ তব, কুকুলমণি ?

বিপদে হেরিলে অরি, আনন্দ-সলিলে
 ভাসে লোক ; তুমি যার পরমারি, রাজা,
 ভাসিল সে অশ্রুণীয়ে তোমার বিপদে !

হে কৌরবকুলনাথ, তীক্ষ্ণ শরজালে
 চাহ কি বধিতে প্রাণ তাহার সংগ্রামে,
 প্রাণ, প্রাণাধিক মান রক্ষিল যে তব

অসহায় যবে তুমি,—হায়, সিংহসম,
 আনায় মাঝারে বজ্র রিপূর কোশলে ?

—হে দয়া, কি হেতু, মাতঃ, এ পাপ সংসারে
 মানব-হৃদয়ে তুমি কর গো বসতি !

কেন গলী কর্ণে তুমি কর্ণদাম কর,
 রাজেন্দ্র ? দেবতাকূলে জিনিল যে রণে ;
 তোমা সহ কুকসৈন্যে দলিল একাকী
 যৎসাদেশে ; আঁটিবে কি রাধেয় তাহারে ?

হায়, বৃথা আশা, নাথ ! শৃগাল কি কভু
 পারে বিমুখিতে, কহ, যুগেশ্বর সিংহেরে ?

সুতপুত্র সখা তব : কি লজ্জা, নৃমণি,
তুমি চন্দ্রবংশচূড়, কত্রবংশপতি ?

জানি আমি ভীমবাহু ভীষ্ম পিতামহ ;

দেব-নর-ত্রাস বীর্যে দ্রোণাচার্য্য গুরু ।

শেহপ্রবাহিনী কিস্তু এ দৌহার বহে ৭০

পাণ্ডবমাগরে, কাস্ত, কহিনু তোমারে !

যদিও না হয় তাহা ; তবুও কেমনে,

হায় রে প্রবোধি, নাথ, এ পোড়া হৃদয়ে ?—

উত্তর-গোগৃহ-রণে জিনিল কিরীটী

একাকী এ বীরদ্বয়ে ! সৃজিলা কি, তুমি, ৭৫

দাবাগ্নির রূপে, বিধি, জিকু ফাঙ্কনীরে

এ দাসীর আশা-বন নাশিতে অকালে ?

শুন, নাথ ; নিদ্রা-আশে যদি যদি কভু

এ পোড়া নয়ন দুটি ; দেখি মহাভয়ে

শ্বেতঅশ্ব কপিধ্বজ স্যন্দন সম্মুখে ! ৮০

রথমধ্যে কালরূপী পার্থ ! বাম করে

গাণ্ডীব—কোদণ্ডোত্তম ! ইরশ্বদ-তেজা

মর্গভেদী দেব-অস্ত্র শোভে হে দক্ষিণে !

কাঁপে হিয়া ভাবি শুনি দেবদত্তধ্বনি !

গরজে বায়ুজ ধ্বজে কাল মেঘ যেন ! ৮৫

ঘর্ষরে গন্তীর রবে চক্র, উগরিয়া

কালাগ্নি। কি কব, দেব, কিরীটের আভা ?

আহা, চন্দ্রকলা যেন চন্দ্রচূড়-ভালে !

উজলিয়া দশদিশ, কুর্কসৈন্য পানে

ধায় রথবর বেগে ! পালায় চৌদিকে
কুকটমৈন্য,—ভয়ঃ-পুঞ্জ রবির দর্শনে
যথা ! কিম্বা বিহঙ্গম হেরিলে অদূরে
বজ্রনখ বাজে যথা পালায় কুজনি
ভীতচিত্ত ; মিলি অঁাখি অমনি কাঁদিয়া !

কি কব ভীমের কথা ? মদকল-করী-
সদৃশ উদ্ভাদ দুষ্ট নিধন-সাধনে !

জবায়ুগ-সম অঁাখি—রক্তবর্ণ সদা ।
মার, মার শব্দ মুখে ! ভীম গদা হাতে,
দণ্ডধর হাতে, হায়, কালদণ্ড যথা !

ওনেছি লোকের মুখে, দেব-সমাগমে
ধরিলে দুরন্তে গর্ভে কুন্তী ঠাকুরাণী ।

কিস্তু যদি দেব পিতা, যমরাজ তবে—
সর্ব-প্রস্তুকারী যিনি ! ব্যাত্রী বুঝি দিল
দুহু দুষ্টে ! নর-নারী-স্তন-দুহু করু
পালে কি, কহ, হে নাথ, হেন নর-যমে ?

বাড়িতে লাগিল লিপি ; তবুও কহিব
কি কুম্বপ্ন, প্রাণনাথ, গত নিশাকালে
দেখিনু ;—বুঝিয়া দেখ, বিজ্ঞাতম তুমি ;
আকুল সতত প্রাণ না পারি বুঝিতে
এ কুহক ! গতরাত্রে বসি একাকিনী

শয়নমন্দিরে তব—নিরানন্দ এবে—
কাঁদিবু ! সহসা, নাথ, পূরিল সৌরভে
নশনিন্দা ; পূর্ণচন্দ্র-আতা জিনি আতা

উজ্জ্বলিল চারি দিক ; দাসীর সম্মুখে
 দাড়াইলা দেববালা—অতুলা জগতে ! ১১৫
 চমকি চরণযুগে নমিলু সভয়ে ।
 মুছিয়া নয়নজল, কহিলা কাতরে
 বিধুমুখী,—‘ বৃথা খেদ, কুরুকুলবধু,
 কেন তুমি কর আর ? কে পারে খণ্ডাতে
 বিধির বাঁধন, হার, এ ভবমণ্ডলে ? ১২০
 ওই দেখ যুদ্ধক্ষেত্র !’—দেখিলু তরাসে,
 যত দূর চলে দৃষ্টি, ভীম রণভূমি !
 বহিছে শোণিত-স্রোত প্রবাহিনী রূপে ;
 পড়িয়াছে গজরাজি, শৈলশুক যেন
 চূর্ণ বজ্রে ; হতগতি অশ্ব ; রথাবলী ১২৫
 ভগ্ন ; শতশত শব ! কেমনে বর্ণিব
 কত যে দেখিলু, নাথ, সে কাল যশানে !
 দেখিলু রথীন্দ্র এক শরশয্যোপরি !
 আর এক মহারথী পতিত ভূতলে,
 কণ্ঠে শূন্যগুণ ধনু;—দাঁড়ায়ৈ নিকটে, ১৩০
 আশ্ফালিছে অসি অরি মস্তক জেদিতে !
 আর এক বীরবরে দেখিলু শয়নে
 ভূশযায় ! রোষে মহী আসিয়াছে ধরি
 রথচক্রে ; নাহি বক্ষে কবচ ; আকাশে
 আভাহীন ভানুদেব,—মহাশোকে বেন ! ১৩৫
 অদূরে দেখিলু হ্রদ ; সে হ্রদের তীরে
 রাজরথী একজন বান গড়াগড়ি

ভগ্ন-উক ! কাঁদি উচ্ছে, উঠিছু জাগিয়া !

কেন এ কুস্বপ্ন, দেব, দেখাইলা মোরে ?

এস তুমি, প্রাণনাথ, রণ পরিহরি ! ১৪০

পঞ্চখানি গ্রাম মাত্র মাগে পকরথী ।

কি অভাব তব, কহ ? তোব পঞ্চজনে ;

তোষ অন্ধ বাপ মায়ে ; তোষ অভাগীরে ;—

রক্ষ কুকুল, ওহে কুকুলমণি !

ইতি শ্রীবীরাসনা কাব্যে ভানুমতী পত্রিকা নাম

সপ্তম সর্গ ।

অষ্টম সর্গ ।



জয়দ্রথের প্রতি দুঃশলা ।

অক্ষরাজ প্রতরাষ্ট্রের কন্যা দুঃশলাদেবী সিদ্ধুদেশাধিপতি জয়দ্রথের মহিষী । অতিমনুষ্য নিধনানন্দর পার্শ্বে যে প্রতিজ্ঞা করিয়াছিলেন, তদ্বৎ বৎ দুঃশলাদেবী নিতান্ত ভীতা হইয়া নিখলিখিত পত্রিকাখানি জয়দ্রথের নিকট প্রেরণ করেন ।]

কি যে লিখিয়াছে বিধি এ পোড়া কপালে,
হায়, কে কহিবে মোরে,—জ্ঞানশূন্য আমি !
শুন, নাথ, মনঃ দিয়া ;—মধ্যাহ্নে বসিনু
অন্ধ পিতৃপদতলে, সঞ্জয়ের মুখে
শুনিতো রণের বার্তা । কহিলা স্মৃতি— ৫
(না জানি পূর্বের কথা ; ছিনু অবরোধে
প্রবোধিতে জননীরে ;) কহিলা স্মৃতি
সঞ্জয়,—‘বেড়িল পুনঃ সপ্ত মহারথী
সুভদ্রানন্দনে, দেখ ! কি আশ্চর্য্য, দেখ—
অগ্নিময় দশদিশ পুনঃ শরানলে । ১০
প্রাণপণে যোকে যোধ ; হেলায় নিবারে
অস্ত্রজালে শূরসিংহ ! ধন্য শূরকূলে
অতিমনুষ্য !’ নীরবিলা এতেক কহিয়া
সঞ্জয় । নীরবে সবে রাজসভাতলে
সঞ্জয়ের মুখপানে রহিলা চাহিয়া । ১৫

‘দেখ, কুকুলনাথ,—পুনঃ আরস্তিলা
দূরদর্শা,—‘ভঙ্ক দিয়া রণরঙ্গে পুনঃ

পালাইছে সপ্তরথী ! নাদিছে ভৈরবে
 আর্জুনি, পাবক যেন গহন বিপিনে !
 পড়িছে অগণ্য রথী, পদাতিক-ব্রজ ; ২০
 গরজি গরিছে গজ বিষম পীড়নে ;
 সভয়ে হেবিছে অশ্ব ! হায়, দেখ চেয়ে,
 কাঁদিছেন পুত্র তব দ্রোণগুরুপদে !—
 মজিল কৌরব আজি আর্জুনির রণে !’

কাঁদিল আক্ষেপে পিতা ; কাঁদিয়া মুছিনু ২৫
 অশ্রুধারা ! দূরদর্শী আবার কহিলা ;—

‘ধাইছে সমরে পুনঃ সপ্ত মহারথী,
 কুরুরাজ ! লাগে তালি কর্ণমূলে শুনি
 কোদণ্ড টংকার, প্রভু ! বাজিল নির্ঘোষে
 ঘোর রণ ! কোন রথী গুণসহ কাটে ৩০

ধনু ; কেহ রথচূড়, রথচক্রে কেহ ।
 কাটিয়া পাড়িলা দ্রোণ ভীম-অস্ত্রাঘাতে
 কবচ ; মরিল অশ্ব ; মরিল সারথি !
 রিস্তহস্ত এবে বীর, তবুও যুঝিছে
 মদকল হস্তী যেন মত্ত রণমদে !’— ৩৫

নীরবিয়া ক্ষণকাল, কহিলা কাতরে
 পুনঃ দূরদর্শী ;—‘আহা ! চিররাহু-গ্রাসে
 এ পৌরব-কুলইন্দু পড়িলা অকালে !
 অন্যায়ে সমরে, নাথ, গতজীব, দেখ,
 আর্জুনি ! হৃদ্ধারে, শুন, সপ্ত জয়ী রথী, ৪০
 নাদিছে কৌরবকুল জয় জয় রনে !

নিরানন্দে ধর্মরাজ চলিলা শিবিরে ।’

হরষে বিষাদে পিতা, শুনি এ বারতা,
কাঁদিলা ; কাঁদিবু আমি । সহসা ত্যজিয়া
আসন সঞ্জয় বুধ, কৃতাজলি পুটে, ৪৫
কহিলা সভয়ে,—‘উঠ, কুকুলপতি !

পূজ কুলদেবে শীত্র জামাতার হেতু !
ওই দেখ কপিধ্বজে ধাইছে কাণ্ডুনী
অধীর বিবমশোকৈ : গরজে গস্তীরে
হনু স্নর্গরথচূড়ে পড়িছে ভূতলে ৫০

খেচর ; ভূচরকুল পালাইছে দূরে !
ঝকঝকে দিব্য বর্ম ; খেলিছে কিরীটে
চপলা ; কাঁপিছে ধরা ধর ধর ধরে !
পাণ্ডু-গণ্ড্রাসে কুক ; পাণ্ডু-গণ্ড্রাসে
আপনি পাণ্ডব, নাথ, গাণ্ডীবীর কোপে ! ৫৫

মুহমুহঃ ভীমবাহু টংকারিছে বামে
কোদণ্ড—ত্রক্ষাণ্ডত্রাস ! শুন কর্ন দিয়া,
কহিছে বীরেশ রোষে ভৈরব নিমাদে ;—

‘ কোথা জয়ত্রথ এবে—রোধিল যে বলে
বাহুমুখ ? শুন, কহি, কত্ররথী যত ; ৬০

তুমি, হে বসুধা, শুন ; তুমি জলনিধি ;
তুমি, স্বর্গ, শুন ; তুমি, পাতাল, পাতালে ;

চন্দ্র, সূর্য্য, গ্রহ, তারা, জীব এ জগতে
আছ যত, শুন সবে ! না বিনাশি যদি
কালি জয়ত্রথে রণে, যরিব আপনি ! ৬৫

অগ্নিকুণ্ডে পশি তবে যাব তুতদেশে,
না ধরিব অস্ত্র আর এ ভয় সংসারে !’—

অজ্ঞান ছইয়া আমি পিতৃপদতলে
পড়ি নু ! যতনে মোরে আনিয়াছে হেথা—
এই অস্ত্রঃপুরে—চেড়ী পিতার আদেশে । ৭০

কহ এ দাসীরে, নাথ ; কহ সত্য করি ;
কি দোষে আবার দোষী জিহ্মুর সকাশে
তুমি ? পূর্বকথা স্মরি চাহে কি দণ্ডিতে
ভোমায় গাণ্ডীবী পুনঃ ? কোথায় রোধিলে
কোন্ ব্যূহযুধ তুমি, কহ তা আমারে ? ৭৫
কহ শীঘ্র, নহে, দেব, মরিব তরাসে !
কাঁপিছে এ পোড়া হিয়া ধরধর করি !
ঐধার নয়ন, হায়, নয়নের জলে !

নাহি সরে কথা, নাথ, রসশূন্য মুখে !
কাল অজাগর-প্রাসে পড়িলে কি বাঁচে ৮০
প্রাণী ? ক্ষুধাতুর সিংহ ঘোর সিংহনাদে
ধরে যবে বনচরে, কে তারে তাহারে ?
কে কহ, রক্ষিবে তোমা, কাণ্ডুনী কবিলে ?

হে বিধাতঃ, কি কুক্ষণে, কোন্ পাপদোষে
আনিলে নাথেরে হেথা, এ কাল সমরে ৮৫
তুমি ? অনিরাছি আমি, যে দিন জন্মিলা
জ্যেষ্ঠজাতা, অমঙ্গল ঘটিল সে দিনে !
নাদিল কাতরে শিবা ; কুকুর কাঁদিল
কোলাহলে ; শূন্যমার্গে গর্জিল ভীষণে

এক জন জন্যে কেন ত্যজ অন্য জনে,
কুটুম্ব উভয় তব ?—আর কি কহিব ? ১১৫
কি ভেদ হে নদদ্বয়ে জগ্ম হিমাদ্রিতে ?

তবে যদি গুণ দোষ ধর, নরমণি ;—
পাপ অক্ষত্রীড়া-ফাঁদ কে পাতিল, কহ ?
কে আনিল সভাতলে (কি লজ্জা !) ধরিয়া
রজস্বলা ভ্রাতৃবধু ? দেখাইল তাঁরে ১২০
উক ? কাড়ি নিতে তাঁর বসন চাহিল—
উলঙ্কিতে অক্ষ, মরি, কুলাক্ষনা তিনি ?
ভ্রাতার সুকীর্তি যত, জ্ঞান না কি তুমি ?
লিখিতে শরমে, নাথ, না সরে লেখনী !

এস শীত্র, প্রাণসখে, রণভূমি ত্যজি ! ১২৫
নিব্দে যদি বীরবৃন্দ তোমাগ্ন, হানিও
শ্রমন্দিরে বসি তুমি ! কে না জানে, কহ,
মহারথী রথীকূলে নিধু-অধিপতি ?
যুঝেছ অনেক যুঝে ; অনেক বধেছ
রিপু ; কিন্তু এ কোন্সেয়, হায়, ভবধামে ১৩০
কে আছে প্রহরী, কহ, ইহার সদৃশ ?
ক্ষত্রকুল-রথী তুমি, তবু নরযোনি ;
কি লাজ তোমার, নাথ, ভক যদি দেহ
রণে তুমি হেরি পার্শে, দেবযোনি-জয়ী ?
কি করিলা আশুপল খাণ্ডব দাহনে : ১৩৫
কি করিলা চিত্রসেন গন্ধর্বাধিপতি ?
কি করিলা লক্ষরাজা শ্রমশ্বর কালে ?

স্মর, প্রভু ! কি করিলা উত্তর গোগৃহে
কুকসৈন্য নেতা বত পার্শ্বের প্রতাপে ?
এ কালাগ্নি কুণ্ডে কহ, কি সাথে পশিবে ? ১৪০
কি সাথে ডুবিলে হায়, এ অতল জলে ?

তুলে যদি থাক মোরে, তুলনা নন্দনে
সিন্ধুপতি ;—মণিভঞ্জে তুল না, নৃমণি !
নিশার শিশির ষথা পালয়ে মুকুলে
রসদানে ; পিতৃস্নেহ, হায় রে, ঠৈশশবে ১৪৫
শিশুর জীবন, নাথ, কহিলু তোমারে !

জানি আমি কহিতেছে আশা তব কানে—
মায়াবিনী !—‘জ্ঞোণ গুণ সেনাপতি এবে ;
দেখ কর্ণ ধনুর্ধরে ; অশ্বখামা শূরে ;
রূপাচার্য্যো ; হুর্ষ্যোধনে—ভীম গদাপাণি ! ১৫০
কাহারে উরাও তুমি, সিন্ধুদেশপতি ?
কে সে পার্শ্ব ? কি সামর্থ্য তাহার নাশিতে
তোমায় ?’—শুন না, নাথ, ও মোহিনী বাণী !
হায়, মরীচিকা আশা তব-মকডুমে !
যদি আশি ভাব,—দাসী পড়ি পদতলে ; ১৫৫
পদতলে মণিভঞ্জে কঁাদিছে নীরবে !

ছদ্মবেশে রাজদ্বারে থাকিব দাঁড়ারে
নিশীথে ; থাকিবে সঙ্গে নিপুণিকা সখী,
লয়ে কোলে মণিভঞ্জে । এসো ছদ্মবেশে,
না করে কাহারে কিছু ! অবিলম্বে যাব ১৬০
এ পাপ নগর ত্যজি সিন্ধুরাজ্যলয়ে !

କମ୍ପୋତସିନ୍ଧୁନ ସମ ଯାବ ଉଡ଼ି ବୀଡ଼େ !—

ସଟୁକ ଯା ଧାକେ ଭାଗ୍ୟେ କୁକ ପାଠୁ କୁଳେ !

ଇତି ଶ୍ରୀବୀରାଜନାକାବ୍ୟେ ହଃଶମାପତ୍ରିକା ନାମ

ଅଷ୍ଟମ ସର୍ଗ ।

নবম সর্গ।



শাস্ত্রুর প্রতি জাহ্নবী।

[জাহ্নবীদেবীর বিরহে রাজা শাস্ত্রু একান্ত কাতর হইয়া রাজ্যাদি পরিত্যাগ পূর্বক বহু দিবস গঙ্গাজীর্বে উদাসীনভাবে কালাতিপাত করেন। অষ্টম বস্তু অবতার দেবরত (যিনি মহাভারতীয় ইতিহাসে তীক্ষ্ণ পিতামহ নামে প্রথিত) বয়ঃপ্রাপ্ত হইলে, জাহ্নবীদেবী নিঃসিঞ্চিত পত্রিকা খানির সহিত পুত্রবরকে রাজসম্মিথানে প্রেরণ করিয়াছিলেন।]

বৃথা তুমি, নরপতি, ভ্রম মম তীরে,—

বৃথা অশ্রুজল তব, অনর্গল বহি,

মম জলদল সহ মিশে দিবানিশি !

ভুল ভূতপূর্বকথা, ভুলে লোক যথা

স্বপ্ন—নিদ্রা-অবসানে ! এ চিরবিচ্ছেদে

৫

এই হে ঔষধ মাত্র, কহিনু তোমারে !

হর-শির-নিবাসিনী হরপ্রিয়া আমি

জাহ্নবী। তবে যে কেন নরনারীরূপে

কাটাইনু এত কাল তোমার আলয়ে,

কহি, শুন। ঋষিশ্রেষ্ঠ বশিষ্ঠ সরোবে

১০

ভূতলে জন্মিতে শাপ দিলা বহুদলে

যে দিন, পড়িল তারা কাঁদি মোর পদে,

করিয়া মিনতি স্তুতি নিকৃতির আশে।

দিনু বর—‘মানবিনী ভাবে ভবতলে

ধরিব এ গর্ভে আমি তোমা সবাকারে।’

১৫

বরিনু তোমারে সাধে, নরবর ভূমি,
কৌরব ! ঔরসে তব ধরিনু উদরে
অষ্টশিশু,—অষ্টবশু তারা, নরমণি !
ফুটিল এক যুগালে অষ্ট সরোকহ !
কত যে পুণ্য হে তব, দেখ ভাবি মনে !

২০

সপ্তজন ত্যজি দেহ গেছে স্বর্গধামে ।
অষ্টম নন্দনে আজি পাঠাই নিকটে ;
দেবনররূপী রত্নে গ্রহ যত্নে তুমি,
রাজন্ ! জারুবীপুত্র দেবত্রত বলী
উজ্জলিবে বংশ তব, চন্দ্রবংশপতি ;—
শোভিবে ভারত-ভালে শিরোমণিরূপে,
যথা আদিপিতা তব চন্দ্রচূড়-চূড়ে !

২৫

পালিয়াছি পুত্রবরে আগরে, নৃমণি,
তব হেতু । নিরখিয়া চন্দ্রমুখ, তুল
এ বিচ্ছেদ-দুঃখ তুমি । অখিল জগতে,
নাহি হেন গুণী আর, কহিনু তোমারে !
মহাচল-কুল-পতি হিমাচল যথা ;
নদপতি সিন্ধুনদ ; বন-কুলপতি
খাণ্ডব ; রথীন্দ্রপতি দেবত্রত রথী—
বশিষ্ঠের শিষ্যশ্রেষ্ঠ ! আর কব কত ?
আপনি বাগ্‌দেবী, দেব, রসনা-আসনে
আদীনা ; হ্রদয়ে দয়া, কমলে কমলা ;
যমসম বল ভুঞ্জে ! গহন বিপিনে
যথা সর্ষভুক্‌ বহুি, দুর্ঙ্গার সমরে !

৩০

৩৫

তব পুণ্যবৃক্ষ-ফল এই, নরপতি ! ৪০

স্নেহের সরসে পদ্ম ! আশার আকাশে
পূর্ণশশী ! যত দিন ছিনু তব গৃহে,
পাইনু পরম প্রীতি ! কৃতজ্ঞতাপাশে
বঁধেছ আমারে তুমি ; অভিজ্ঞানরূপে
দিতেছি এ রত্ন আমি, গ্রহ, শাস্ত্রমতি । ৪৫

পত্নীভাবে আর তুমি ভেবোনা আমারে ।

অসীম মহিমা তব ; কুল মান ধনে
নরকুলেশ্বর তুমি এ বিশ্বমণ্ডলে !
তরুণ যৌবন তব ;—যাও ফিরি দেশে ;—
কাতরা বিরহে তব হস্তিনা নগরী ! ৫০

যাও ফিরি, নরবর, আন গৃহে বরি
বরাসী রাজস্রবালে ; কর রাজ্য সুখে !
পাল প্রজা ; দম রিপু ; দণ্ড পাপাচারে—
এই হে সুরাজনীতি ;—বাড়াও সতত
সতের আদর সাধি সংক্রিয়া যতনে ! ৫৫

বরিও এ পুত্রবরে সুবরাজ পদে
কালে । মহাযশা পুত্র হবে তব সম,
যশস্বি ; প্রদীপ যথা জ্বলে সমতেজে
সে প্রদীপ সহ, যার তেজে সে তেজস্বী !

কি কাজ অধিক করে ? পূর্বকথা তুলি, ৬০
করি ধোঁত ভক্তিরসে কামগত মনঃ,
প্রণম সাক্ষাৎ, রাজা ! শৈলেন্দ্রনন্দিনী
কজ্জেন্দ্রগৃহিণী গঙ্গা আশীষে তোমারে

যত দিন ভবধামে রহে এ প্রবাহ,
ষোষিবে তোমার যশ, গুণ, ভবধামে !

৬৫

কহিবে ভারতজন,—খন্য ক্ষত্রকুলে
শাস্ত্রনু, তনয় যাঁর দেবত্রত রথী !

লয়ে সন্ধে পুত্রধনে যাও রহে চলি
হস্তিনায়, হস্তিগতি ! অস্তুরীকে থাকি
ভব পুরে, তব স্থখে হইব হে সুখী,
তনয়ের বিধুমুখ ছেরি দিবানিশি !

৭০

ইতি শ্রীবীরাক্ষনা কাব্যে জাহ্নবীপত্রিকা নাম
নবমঃ সর্গঃ ।

দশম সর্গ।

পুরুরবার প্রতি উর্কশী।

[চক্রবর্তী রাজা পুরুরবা কোন সময়ে কেনী নামক দৈত্যের হস্ত হইতে উর্কশীকে উদ্ধার করেন। উর্কশী রাজার রূপ-লাবণ্যে মোহিত হইয়া তাঁহাকে এই নিম্নলিখিত পত্রিকাধানি লিখিয়াছিলেন। পাঠকবর্গ কবি কালিদাসকৃত বিক্রমোর্কশী নামত্রোটক পাঠ করিলে, ইহার সবিধেয় বৃত্তান্ত জানিতে পারিবেন।]

স্বর্গচ্যুত আজি, রাজা, তব হেতু আমি।—

গত রাত্রে অভিনিহু দেব-নাট্যশালে

লক্ষ্মীস্বয়ম্বর নাম নাটক; বাকণী

সাজিল যেনকা; আমি অস্তোজা ইন্দ্রি।

কহিলা বাকণী,—‘দেখ নিরখি চৌদিকে,

বিধুমুখি! দেবদল এই সভাতলে;

বসিয়া কেশব ওই! কহ মোরে, শুনি,

কার প্রতি ধায় মনঃ?’—ওকশিক্ষা ভুলি,

আপন মনের কথা দিয়া উত্তরিহু—

‘রাজা পুরুরবা প্রতি!’—হাসিলা কোতুকে ১০

মহেন্দ্র ইন্দ্রাণী সহ, আর দেব যত;

চারি দিকে হাস্যধনি উঠিল সভাতে!

সরোষে ভরতঋষি শাপ দিলা মোরে!

শুন, নরকুলনাথ! কহিহু যে কথা

যুক্তকণ্ঠে কালি আমি দেব সভাতলে, ১৫

কহিব সে কথা আজি—কি কাজ পরমে?—

কহিব সে কথা আজি ভব পদযুগে !
 যথা বহে প্রবাহিনী বেগে সিন্ধুনীরে,
 অবিরাম ; যথা চাহে রবিচ্ছবি পানে
 স্থির আঁধি সূর্য্যমুখী ; ও চরণে রত ২০

এ মনঃ !—উর্কশী, প্রভু, দাসী হে তোমারি !

ঘৃণা যদি কর, দেব, কহ শীঘ্র, শুনি ।
 অমরা অপ্সরা আমি, নারিব ত্যজিতে
 কলেবর ; ঘোরবনে পশি আরস্ত্রিব
 তপঃ তপস্বিনীবেশে, দিয়া জলাঞ্জলি ২৫

সংসারের সুখে, শূর ! যদি রূপা কর,
 তাও কহ ; যাব উড়ি ও পদ-আশ্রয়ে,
 পিঞ্জর ভাঙিলে উড়ে বিহঙ্গিনী যথা
 নিকুঞ্জে ! কি ছার স্বর্গ তোমার বিহনে ?

শুভকণে কেশী, নাথ, হরিল আমারে ৩০
 হেমকুটে । এখনও বসিয়া বিরলে

ভাবি সে সকল কথা ! ছিনু পড়ি রখে,
 হায় রে, কুরঙ্গী যথা কৃত অস্ত্রাঘাতে !
 সহসা কাঁপিল গিরি ! শুনিবু চমকি
 রথচক্রধ্বনি দূরে শতশ্রোতঃ সম । ৩৫

শুনিবু গম্ভীর নাদ—‘ অরে রে চুর্মতি,
 মুহূর্ত্তে পাঠাব তোরে শমনভবনে,’—

প্রতিনাদরূপে কেশী নাদিল তৈরবে !

হারাইবু জ্ঞান আমি সে ভীষণ যনে !

পাইবু চেতন যবে, দেখিবু সম্মুখে ৪০

চিত্রলেখা সখী সহ ও রূপমাধুরী—
 দেবী মানবীর বাণী! উজ্জ্বল দেখিনু
 দ্বিগুণ হে গুণমণি, তব সমাগমে
 হেমকুট হৈমকান্তি—রবিকরে বেন!

রহিনু মুদিয়া আঁখি শরমে, নৃমণি ; ৪৫
 কিন্তু এ মনের আঁখি মীলিল হরষে,
 দিনান্তে কমলাকান্তে হেরিলে যেমতি
 কমল! ভাসিল হিয়া আনন্দ-সলিলে!

চিত্রলেখা পানে তুমি কহিলা চাহিয়া—
 'যথা নিশা, হে রূপসি, শশীর মিলনে ৫০
 তমোহীনা ; রাত্রিকালে অগ্নিশিখা যথা
 ছিন্নধুমপুঞ্জ কায়া ; দেখ নিরখিয়া,
 এ বরাক বরকচি রিচ্যমান এবে
 মোহান্তে ! ভাঙিলে পাড়, মলিনসলিলা
 হয়ে ক্ষণ, এইরূপে বহেন জাহ্নবী ৫৫
 আবার প্রসাদে, শুভে !' —আর যা কহিলে,
 এখনো পড়িলে মনে বাখানি, নৃমণি,
 রসিকতা! নরকুল ধন্য তব গুণে!
 এ পোড়া হৃদয় কম্পে কম্পবান দেখি
 মন্দারের দাম বন্ধে, যধুহুন্দে তুমি ৬০
 পড়িলা যে শ্লোক, কবি, পড়ে কি হে মনে ?
 মিয়মাণ জন যথা শুনে ভক্তিভাবে
 জীবনদায়ক মন্ত্র, শুনিল উর্কশী,
 হে সুধাংশু-বংশ-চূড়, তোমার সে গাথা!

সুরবালা মনঃ ভুমি ভুলালে সহজে, ৬৩

নররাজ ! কেনই বা না ভুলাবে, কহ ?—

সুরপুর-চির-অরি অধীর বিক্রমে

তোমার, বিক্রমাদিত্য ! বিধাতার বরে,

বজ্রীর অধিক বীর্য্য তব রণস্থলে !

মলিন মনোজ্ঞ লাজে ও সৌন্দর্য্য হেরি ! ৭০

তব রূপগুণে তবে কেন না মজিবে

সুরবালা ? শুন, রাজা ! তব রাজ্যবনে

স্বয়ম্বরবধু-লতা বরে সাধে যথা

রসালে, রসালে বরে তেমতি নন্দনে

স্বয়ম্বরবধু-লতা ! রূপগুণাধীনা ৭৫

নারীকুল, নরশ্রেষ্ঠ, কি ভবে কি দিবে—

বিধির বিধান এই, কহিনু তোমারে !

কঠোর তপস্যা নর করি যদি লভে

স্বর্গভোগ ; সর্ব্ব অগ্রে বাঞ্ছে সে ভুঞ্জিতে

যে স্থির-যৌবন-সুখা — অর্পিব তা পদে ! ৮০

বিকাইব কারমনঃ উভয়, নৃমণি,

আসি তুমি কেন দৌছে প্রেমের বাজারে !

উক্লীধামে উক্লীশীরে দেহ স্থান এবে,

উক্লীশ ! রাজস্ব দাসী দিবে রাজপদে

প্রজ্ঞাভাবে নিত্য যত্রে ! কি আর লিখিব ? ৮৫

বিষের ঔষধ বিষ,—শুনি লোকমুখে ।

মরিতেছিনু, নৃমণি, জ্বলি কামবিষে,

তুঁই শাপবিষ বৃষ্টি দিয়াছেন ঋষি,

রূপা করি ! বিজ্ঞ তুমি, দেখ হে ভাবিয়া !
 দেহ আজ্ঞা, নরেশ্বর, সুরপুর ছাড়ি ১০
 পড়ি ও রাজীব-পদে, পড়ে বারিধারা
 যথা, ছাড়ি মেঘাশ্রয়, সাগর আশ্রয়ে,—
 নীলাশুরাশির সহ মিশিতে আমোদে !
 লিখিনু এ লিপি বসি মন্দাকিনী তীরে
 নন্দনে । ভূমিষ্ঠভাবে পূজিয়াছি, প্রভু, ১৫
 কম্পতরুবরে, করে মনের বাসনা ।
 সুপ্রফুল্ল ফুল দেব পড়িয়াছে শিরে ।
 বীচিরবে হরপ্রিয়া শ্রবণ-কুহরে
 আমার কহেন—‘ তুই হবি কলবতী ।’
 এ সাহসে, মহেষাস, পাঠাই সকাশে ১০০
 পত্রিকা-বাহিকা সখী চাক-চিত্রলেখা ।
 থাকিব নিরখি পথ, স্থির-অখি হয়ে
 উত্তরার্ধে, পৃথ্বীনাথ !—নিবেদনমিতি !

ইতি শ্রীবীরঙ্গনা কাব্যে উর্ধ্বশীপত্রিকা নাম
 দশমঃ সর্গঃ ।

একাদশ সর্গ।

নীলধ্বজের প্রতি জনা।

[মাচেশ্বরী পুরীর যুবরাজ প্রবীর অশ্বমেধ-বৃত্তান্ত ধরিলে,—
পার্ন তাহাকে রূপে নিবৃত্ত করেন। রাজা নীলধ্বজ রাজ পার্ণের
সহিত বিবাদপরাজ্য হইয়া সন্ধি করিতে, রাজী জনা পুঞ্জ-
শোকে একান্ত কাতরা হইয়া এই নিম্নলিখিত পত্রিকাখানি রাজ-
সমীপে প্রেরণ করেন। পাঠকবর্গ মহাজারতীর অশ্বমেধপর্ক
পাঠ করিলে ইহার সবিশেষ বৃত্তান্ত অবগত হইতে পারিবেন।]

বাজিছে রাজ-তোরণে রণবাদ্য আজি ;

হুবে অশ্ব ; গজের্জ গজ ; উড়িছে আকাশে

রাজকেতু ; মুহুমুঃ হঃ হকারিছে মাতি

রণমদে রাজসৈন্য ;—কিস্তু কোন্ হেতু ?

সাজিছ কি, নররাজ, যুঝিতে সদলে—

৫

প্রবীর পুত্রের মৃত্যু প্রতিবিধিৎসিতে,—

নিবাইতে এ শোকাগ্নি ফাল্গুনীর লোহে ?

এই তো সাজে তোমারে, ক্ষত্রমণি তুমি,

মহাবাহু ! যাও বেগে গজরাজ যথা

যমদণ্ডসম শুণ্ড আক্ষালি নিনাদে !

১০

টুট কিরীটীর গর্জ আজি রণস্থলে !

ধণ্ডমুণ্ড তার আন শূল-দণ্ড-শিরে !

অন্যায় সমরে মৃঢ় নাশিল বালকে ;

নাশ, মহেঘাস, তারে ! ভুলিব এ জ্বালা,

এ বিবম জ্বালা, দেব, ভুলিব সম্বরে !

১৫

জগে মৃত্যু ;—বিধাতার এ বিধি জগতে ।

কত্রকুল-রত্ন পুত্র প্রবীর সুমতি,
 সম্মুখসমরে পড়ি, গেছে স্বর্গধামে,—
 কি কাজ বিলাপে, প্রভু ? পাল, মহীপাল,
 ক্ষত্রধর্ম, ক্ষত্রকর্ম সাধ ভুজবলে । ২০

হায়, পাগলিনী জনা ! তব সভামাঝে
 নাচিছে নর্তকী আজি, গায়ক গাইছে,
 উখলিছে বীণাধরি ! তব সিংহাসনে
 বসিছে পুত্রহা রিপু—মিত্রোত্তম এবে !
 সেবিছ যতনে তুমি অতিথি-রতনে ।— ২৫

কি লজ্জা ! দুঃখের কথা, হায়, কব কারে ?
 হতজ্ঞান আজি কি হে পুত্রের বিহনে,
 মাহেশ্বরী-পুরীশ্বর নীলধ্বজ রথী ?
 যে দাক্ষণ বিধি, রাজা, আধারিলা আজি
 রাজ্য, হরি পুত্রধনে, হরিলা কি তিনি ৩০
 জ্ঞান তব ? তা না হলে, কহ মোরে, কেন
 এ পায়ণ্ড পাণ্ডুরথী পার্থ তব পুরে
 অতিথি ? কেমনে তুমি, হায়, মিত্রভাবে
 পরশ সে কর, বাহা প্রবীরের লোহে
 লোহিত ? ক্ষত্রিয়ধর্ম এই কি, নৃমণি ? ৩৫
 কোথা ধনু, কোথা ভূগ, কোথা চর্ম, অসি ?
 না ভেদি রিপুর বন্ধ ভীকৃতম শরে
 রণক্ষেত্রে, মিত্রালাপে তুবিছ কি তুমি
 কর্ণ তার সভাতলে ? কি কহিবে, কহ,
 যবে দেশ-দেশান্তরে জনরব লবে ৪০

এ কাহিনী,—কি কহিবে ক্ষত্রপতি যত ?

নরনারায়ণ-জ্ঞানে, শুনিবু, পূজিছ
 পার্শে রাজা, ভক্তিভাবে ;—এ কি আশ্চি তব ?
 হায়, ভোজবাল কুস্তী—কে না জানে তারে,
 ঈশ্বরিনী : তনয় তার জারজ অর্জুনে ৪৫
 (কি লজ্জা.) কি গুণে তুমি পূজ, রাজরথি,
 নরনারায়ণ-জ্ঞানে ? রে দাকণ বিধি,
 এ কি লীলাখেলা তোর, বুঝিব কেমনে ?
 এক মাত্র পুত্র দিয়া নিলি পুনঃ তারে
 অকালে ! আছিল মান,—তাও কি নাশিলি ? ৫০
 নরনারায়ণ পার্শ ? কুলটা যে নারী—
 বেশ্য—গর্ভে তার কি হে জনমিলা আসি
 হৃষীকেশ ? কোন্ শাস্ত্রে, কোন্ বেদে লেখে—
 কি পুরাণে—এ কাহিনী : ঈশপায়ন ষষি
 পাওব-কীর্তন গান গায়েন সত্তত । ৫৫
 সত্যবতীপুত্র ব্যাস বিখ্যাত জগতে :
 ধীবরী জননী, পিতা ব্রাহ্মণ ! করিল
 কামকেলি লয়ে কোলে ভ্রাতৃবধুদয়ে
 ধর্মমতি ! কি দেখিয়া, বুঝাও দাসীরে,
 ঐশ্বর কর তাঁর কথা, কুলাচার্য্য তিনি ৬০
 কু-কুলের ? তবে যদি অবতীর্ণ হবে
 পার্শরূপে পীতাম্বর, কোথা পদ্মালয়া
 ইন্দ্রিয়া ? দ্রৌপদী বুঝি ? আঃ মরি, কি সতী !
 শাণ্ডীীর যোগ্য বধু ! পৌরব-সরসে

নলিনী ! অলির সখী, রবির অধীনী, ৬৫
 সমীরণ-প্রিয়া । দ্বিক্! হাসি আসে মুখে,
 (হেন দুঃখে) ভাবি যদি পাঞ্চালীর কথা !
 লোক-মাতা রমা কি হে এ অট্টা রমণী ?

জানি আমি কহে লোক রথীকুল-পতি
 পার্শ্ব । মিথ্যা কথা, নাথ ! বিবেচনা কর, ৭০
 সূক্ষ্ম বিবেচক তুমি বিখ্যাত জগতে ।—

ছদ্মবেশে লক্ষ রাজে ছিলি দুর্মতি
 স্নয়স্বরে । যথাসাধ্য কে যুঝিল, কহ,
 ত্রাঙ্কণ ভাবিয়া তারে, কোন্ ক্ষত্ররথী,
 সে সংগ্রামে ? রাজদলে তেঁই সে জিতিল ! ৭৫
 দাছিল খাণ্ডব দুষ্করুকের সহায়ে ।

শিখণ্ডীর সহকারে কুরুক্ষেত্র রণে
 পোর্ণব-গোর্ণব ভীষ্ম বৃদ্ধ পিতামহে
 সংহারিল মহাপাপী ! ভ্রোগাচার্য্য গুরু,—
 কি কুছলে নরোধম বধিল তাঁহারে, ৮০

দেখ মরি ? বহুদুরা গ্রোসিলা সরোষে
 রথচক্র যবে, হায় ; যবে ত্রাঙ্কশাপে
 বিকল সমরে, মরি, কর্ন মহাযশাঃ,
 নাশিল বর্কর তাঁরে । কহ মোরে, শুনি,
 মহারথী-প্রথা কি হে এই, মহারথি ? ৮৫

আনায়-মাকারে আনি যুগেন্দ্রে কোঁশলে
 বধে ভীকচিত ব্যাধ ; সে যুগেন্দ্র যবে
 নাশে গ্নিপু, আক্রমে সে নিজ পরাক্রমে !

কি না তুমি জ্ঞান রাজা ? কি কব তোমারে ?
 জানিয়া শুনিয়া তবে কি ছলনে তুল ২০
 আত্মপ্লাঘা, মহারথি : হায় রে কি পাপে.
 রাজ-শিরোমণি রাজা নীলধ্বজ আজি
 নতশির,—হে বিধাতা ! —পার্শ্বের সমীপে ?
 কোথা বীরদর্প তব ? মানদর্প কোথা ;
 চণ্ডালের পদধূলি ত্রাস্ত্রের ভালে ? ২৫
 কুরকীর অশ্রুবারি নিবায় কি কত
 দাবানলে ? কোকিলের কাকলী-লহরী
 উচ্চনাদী প্রভঞ্জে নীরবয়ে কবে ?
 ভীকতার সাধনা কি মানে বলবাহু ?

কিস্তু রুধা এ গঞ্জনা । গুরুজন তুমি ; ১০০
 পড়িব বিষম পাপে গঞ্জিলে তোমারে ।
 কুলনারী আমি, নাথ, বিধির বিধানে
 পরাধীনা ! নাহি শক্তি মিটাই স্ববলে
 এ পোড়া মনের বাহু ! ছরস্ব ফাল্গুনী
 (এ কোঁস্তের যোধে খাতা সৃজিলা নাশিতে ১০৫
 বিশ্বস্থখ !) নিঃসঙ্কান করিল আমারে !
 তুমি পতি, ভাগ্যদোষে বাম মমপ্রতি
 তুমি ! কোন্ সাধে প্রাণ ধরি ধরাধামে ?
 হায়রে, এ জনাকীর্ণ ভবস্থল আজি
 বিজ্ঞন জনার পক্ষে ! এ পোড়া ললাটে ১১০
 লিখিলা বিধাতা বাহা, ফলিল তা কালে !—
 হা প্রবীর ! এই হেতু ধরিনু কি তোরে,



দশমাস দশদিন নানা যত্ন সয়ে,
 এ উদরে ? কোন্ জন্মে, কোন্ পাপে পাপী
 তোর কাছে অভাগিনী, তাই দিলি বাছা, ১১৫
 এ তাপ ? আশার লতা তাই রে ছিঁড়িলি ?
 হা পুত্র ! শোধিলি কি রে তুই এই রূপে
 মাতৃধার ? এই কি রে ছিল তোর মনে ?—
 কেন রুখা, পোড়া আঁধি, বরহিস্ আজি
 বারিধারা ? রে অবোধ, কে মুছবে তোরে ? ১২০
 কেন বা জ্বলিস্, মনঃ ? কে জুড়াবে আজি
 বাক্য-সুধারসে তোরে ? শাওবের শরে
 খণ্ড শিরোমণি তোর ; শিবরে লুকায়ে,
 কাঁদি খেদে, মর, অরে মণিহারী কণি !—

যাও চলি, মহাবল, যাও কুরুপুরে ১২৫
 নবমিত্র পার্শ্ব লহ ! মহাযাত্রা করি
 চলিল অভাগা জনা পুত্রের উদ্দেশে !
 কত্র-কুলবালা আমি ; কত্র-কুল-বধু ;
 কেমনে এ অপমান সব ধৈর্য্য ধরি ?
 ছাড়িব এ পোড়া প্রাণ জাহ্নবীর জলে ; ১৩০
 দেখিব বিশ্বৃতি যদি কৃতান্তনগরে
 লভি অস্তে ! যাচি চির বিদায় ও পদে !
 ফিরি যবে রাজপুরে প্রবেশিবে আসি,
 নরেশ্বর, “ কোথা জনা ? ” বলি ডাক যদি,
 উত্তরিবে প্রতিধ্বনি “ কোথা জনা ? ” বলি ! ১৩৫

ইতিশ্রীবীরাজনা কাব্যে জনাপত্রিকা নাম